

摘藻堂四庫全書薈要

經部

欽定四庫全書叢要

經部

周禮注疏卷十四



欽定四庫全書蒼要卷一千八百六十七

經部

周禮注疏卷十四

漢鄭氏注 唐陸德明音義 賈公彥疏

**師**氏掌以媯詔王注告王以善道也文王世子曰師也

**者**教之以事而諭諸德者也音義媯音美疏釋曰媯美也

世美善之道以詔告於王庶王行其美道也注釋曰引

文王世子者彼是師氏教世子禮引為詔王者但詔王

以道無文彼教世子與教王同故取以為證也諭曉也

諸於也彼謂教世子以君臣父子長幼之事而曉之以

德今詔王亦以三德教國子一曰至德以為道本二曰

曉之以德也

敏德以為行本三曰孝德以知逆惡教三行一曰孝行  
以親父母二曰友行以尊賢良三曰順行以事師長注  
德行內外之稱在心為德施之為行至德中和之德覆  
燾持載含容者也孔子曰中庸之為德其至矣乎敏德  
仁義順時者也說命曰敬孫務時敏厥脩乃來孝德尊  
祖愛親守其所以生者也孔子曰武王周公其達孝矣  
乎夫孝者善繼人之志善述人之事者也孝在三德之  
下三行之上德有廣於孝而行莫尊焉國子公卿大夫

之子弟師氏教之而世子亦齒焉學君臣父子長幼之

道音義

行下孟反下及注同知音智稱尺證疏釋曰以反燾徒報反說音悅孫音遜夫音扶此三德

教國子王太子以下至元士之適子也云一曰至德以  
為道本者至德謂至極之德以為行道之本也二曰敏  
德以為行本者謂敏達之德以為行行之本也三曰孝  
德以知逆惡者善父母為孝以孝德之孝以事父母則  
知逆惡不行也此上三德皆在心而行不見故鄭云在  
心為德也云一曰孝行以親父母者行善事父母之行  
則能親父母冬溫夏清昏定晨省盡愛敬之事也云二  
曰友行以尊賢良者此行施於外人故尊事賢人良人  
有德行之士也云三曰順行以事師長者此亦施於外  
人行遜順之行事受業之師及朋友之長也注釋曰云  
德行外內之稱在心為德施之為行者案禮記云恥有  
其德而無其行則德在內行在外也又見經至德敏德

道行為本道行是施之於外之名又孝德云知逆惡亦是  
是在外之事則知三德皆在內與外行為本又三行云  
親父母之等故云施之為行也云至德中和之德者案  
禮記中庸云致中和天地位焉故知至德是中庸之德  
也云覆燾持載含容者也者此至德即中庸所云至誠  
一也彼說至誠無息不息則久久則徵徵則悠遠悠遠  
則博厚博厚則高明博厚所以載物高明所以覆物是  
至德若天地覆燾持載含容者也云孔子曰中庸之為  
德其至矣乎者此是論語雍也篇之文引之者證此至  
德與中庸之德為一之意云敏德仁義順時者也者人  
君施政春夏行賞為仁秋冬行罰為義是仁義順時敏  
疾為德者也又引說命曰敬遜務時敏厥脩乃來者尚  
書說命之篇傳說告高宗以學問之事遜順也敏疾也  
厥其也為君之法當恭敬順道務在順時疾而行之則  
其德之脩乃從學而來引之者證仁義順時之義也云  
孝德尊祖愛親守其所以生者也者孝德不如上二德

直能善父母為孝施德於親而已故云守其所以生者也又引孔子曰武王周公其達孝矣乎者是禮記中庸文言二人通達行孝者也云夫孝者善繼人之志善述人之事者案中庸上文云無憂者其惟文王乎父作之子述之則善繼人之志據周公以武王時未大平不得制禮作樂周公攝政六年大平乃制作禮樂為善繼文王之志則尚書云考朕昭子刑乃單文祖德是也善述人之事者據武王能述父以伐紂之事則尚書序云惟十有一年武王伐殷是也云孝在三德之下三行之上德有廣於孝而行莫尊焉者欲見至德敏德五帝已上所行直明在心為德而已不見其行孝德是三王已下所行德行兼見之矣故三德以孝德為下故云德有廣於孝則至德敏德是二德廣於孝德也而行莫尊焉者三行之中孝行施於父母為上順行友行施於外人為下故云而行莫尊焉莫無也無尊於事父母也云國子公卿大夫之子弟者此經直言國子案禮記王制云春

秋教以禮樂冬夏教以詩書下文云王大子王子羣后  
之大子卿大夫元士之適子皆造焉故知國子之中有  
卿大夫之子也鄭不言王大子及元士之適子者略言  
之其實皆有也王制惟言大子適子不言弟鄭知兼有  
弟者大司樂及此下文皆云教國子弟連弟而言故鄭  
兼言弟也云師氏教之而世子亦齒焉學君臣父子長  
幼之道者此約文王世子文也案彼云行一物而三善  
皆得者惟世子而已其齒於學之謂也故世子齒於學  
國人觀之曰將君我而與我齒讓何也曰有父在則禮  
然然而衆知父子之道矣其二曰將君我而與我齒讓  
何也曰有君在則禮然而衆著於君臣之義矣其三  
曰將君我而與我齒讓何也曰長長也然而衆知長幼  
之節矣是世子與國人學生齒焉之事案此經有至德  
敏德孝德老子亦有三等之德案老子道經云道可道  
非常道河上公云謂經術政教之道非自然長生之道  
常道當以無為養神無事安民含光藏曜滅跡匿端不



可稱以道又案德經云上德不德是以有德河上公注  
云上德太古無名號之君德大無上故言上德不德言  
不以德教民因循自然其德不見故言不德是以有德  
者也又云下德不失德是以無德注云下德謂號謚之  
君德不及上德故言不失德以其德見其功稱是以謂  
之無德又云失道而後德失德而後仁失仁而後義失  
義而後禮注云道衰德化德衰而仁愛見仁衰而忿爭  
明義衰而聘行玉帛又案握河紀堯曰皇道帝德非朕  
所專又中候義明云洞五九禮闕郵注云闕止郵過言  
五帝後洞三王之世其治各九百歲當以禮止過也案  
此諸文言之此至德覆燾持載含容之德同於天地與  
老子常道及上德不德為一物皆是燧皇已上無名號  
之君所行故河上公云上德無名號之君所行也此敏  
德則老子云可道之道非常道下德不失德之德亦一  
也故河上公云政教經術有名號之君所行以其三皇  
五帝為政皆須仁義順時故鄭云敏德仁義順時也若

然老子云失道而有德失德而有仁者是三皇行可道之道五帝行下德不失德之德即堯云皇道帝德亦謂此道德於此經同為敏德也其三王同行孝德耳其老子又云失德而有仁失仁而有義失義而有禮禮專據三王之時故云洞五九禮闕郵若然仁義在禮前德後則五帝與三王俱有仁義故禮記云堯舜率天下以仁而民從之又云禹立三年百姓以仁遂焉是以仁義關在五帝三王之間者也若然禮記云生乎今之世反古之道謂不行今之法全

居虎門之左司王朝注虎門路

寢門也王日視朝於路寢門外畫虎焉以明勇猛於守宜也司猶察也察王之視朝若有善道可行者則當前

以詔王音義

朝直違反注及下皆同

疏

釋曰言師氏之官既知三德三行故居路門之左畫

虎之處司察王朝若有善事可行者則前告王有所改  
爲也注釋曰鄭知虎門是路寢門者其路寢庭朝及庫  
門外之朝非常朝之處司士所掌路門外是常朝日所  
朝之所經云司王朝明據此朝故鄭以路寢門外解之  
此即上文以美  
詔王之義也 掌國中失之事以教國子弟注教之者

使識舊事也中中禮者也失失禮者也故書中為得杜

子春云當為得記君得失若春秋是也音義

中鄭丁仲反注中中

禮者同疏釋曰以其師氏知德行識其善惡得失故掌  
杜音得疏釋曰以其師氏知德行識其善惡得失故掌  
國家中禮失禮之事以教國之子弟國之子  
弟即上大子已下言弟即王庶子以其諸侯已下皆以  
適子入國學庶子不入故知也注釋曰云教之使識舊  
事也者即中失之事是也云中中禮也又引子春之義  
從古書中為得謂得禮者中與得俱合於義故兩從之

言若春秋者玉藻云動則左史書之言則右史書之是  
記君得失之事故云若春秋也此春秋即魯史是也謂  
記君之  
事也 凡國之貴遊子弟學焉注貴遊子弟王公之子

弟遊無官司者杜子春云遊當為猶言雖貴猶學疏

釋曰

言凡國之貴遊子弟即上國之子弟言遊者以其未仕  
而在學游暇習業注釋曰云王公之子弟者此即王制  
云王大子王子羣后之大子卿大夫元士之適子公即  
三公羣后卿大夫元士之子略言之也云遊無官司者  
官司則事繁不得為遊故鄭以無官司解之鄭既以遊  
為無官司又引子春遊當為猶言雖貴猶學者亦義得  
兩通故引  
之在下也 凡祭祀賓客會同喪紀軍旅王舉則從注舉

猶行也故書舉為與杜子春云當為與謂王與會同喪

紀之事音義

從才用反下同與音預下同

疏

釋曰祭祀則郊廟及山川社稷總是也賓客謂

諸侯及卿大夫來朝聘或在朝或在廟會同亦或在畿內或在畿外軍旅謂出畿外征伐王舉者舉行也此數

事王行之時師氏則從以王所在皆須詔王以美道故也

注釋曰既訓舉為行又引子春從故書為與者亦義

得兩通故亦聽治亦如之注謂王舉於野外以聽朝音

引之在下也

義

治直吏反下同

疏

釋曰即上數事王所在皆有朝以聽治之故從王亦如上虎門之左同故云亦如之

使其屬帥四夷之隸各以其兵服守王之門外且蹕注

兵服旗布弓劍不同也門外中門之外蹕止行人不得

迫王宮也故書隸或作肆鄭司農云讀為隸音義

蹕音畢

疏釋曰云使其屬者屬即序官師氏中大夫之下有屬

隸若秋官蠻隸之等各使四夷隸以其本國之兵器及其服以守王之門外以衛王并使蹕止行人故云且蹕

也注釋曰云兵服旃布及弓劍者東方南方其服布其兵劍西方北方其服旃其兵弓矢云門外中門之外者

業閣人掌中門之禁則中門內也人不得入明在中門之外朝在野外則守內列注

內列蕃營之在內者也其屬亦帥四夷之隸守之如守

王宮疏釋曰云朝在野外即上文聽治是也注釋曰云內列蕃營之在內者言蕃營之在內謂若司戈

盾云及舍設蕃盾者也案司隸職云守野舍之屬禁上文云使其屬帥四夷之隸則二處皆帥四夷隸守之故

云其屬亦帥四夷之隸守之如守王宮也

保氏掌諫王惡注諫者以禮義正之文王世子曰保也

者慎其身以輔翼之而歸諸道者也疏

釋曰掌諫王惡者師氏掌三德

三行以美道詔王保氏以師氏之德行審喻王王有惡則諫之故云掌諫王惡注釋曰云諫者以禮義正之者君臣主義故知諫者以禮義諫正王也引文王世子者彼亦是教世子法以教世子法保護王身同故引之以其保者是保安之義故使而養國子以道乃教之六藝王謹慎其身而歸於道

一曰五禮二曰六樂三曰五射四曰五馭五曰六書六曰九數乃教之六儀一曰祭祀之容二曰賓客之容三曰朝廷之容四曰喪紀之容五曰軍旅之容六曰車馬

之容注養國子以道者以師氏之德行審諭之而後教之以藝儀也五禮吉凶賓軍嘉也六樂雲門大咸大韶大夏大濩大武也鄭司農云五射白矢參連剡注襄尺井儀也五馭鳴和鸞逐水曲過君表舞交衢逐禽左六書象形會意轉注處事假借諧聲也九數方田粟米差分少廣商功均輸方程贏不足旁要今有重差夕桀句股也祭祀之容穆穆皇皇賓客之容嚴恪矜莊朝廷之容濟濟蹌蹌喪紀之容涕涕翔翔軍旅之容闐闐仰仰



車馬之容顛顛堂堂玄謂祭祀之容齊齊皇皇賓客之

容穆穆皇皇朝廷之容濟濟翔翔喪紀之容纍纍顛顛

軍旅之容暨暨詒詒車馬之容匪匪翼翼音義

馭音御德行下

孟反下文及注同剡羊冉反注之樹反下同襄音讓本

作讓諸音非差初佳反又初宜反下同重直龍反夕桀

音的沈祥易反此二字非鄭注嚴如字又音儼濟子禮

反踏七良反闕呼檻反仰本又作印五剛反濟皇上子

禮反又音齊下于況反又音往纍顛上律悲反疏釋曰

下音田又如字暨其器反詒五格反匪芳非反疏此道

即上師氏三德三行故鄭云以師氏之德行審喻之乃

教之六藝已下此乃保氏所專教也注釋曰案文王世

子云大傅審父子君臣之道以示之少傅奉世子以觀

大傅之德行而審喻之師也者教之以事而喻諸德者

也保也者慎其身以輔翼之而歸諸道者也不云保氏以師氏之德行審喻之者鄭以義約之少傅既以大傅之德行審喻之明保氏亦以師氏之德行審喻之可知故鄭言之耳云五禮吉凶賓軍嘉大宗伯文六樂雲門已下大司樂文先鄭云五射白夫已下無正文或先鄭別有所見或以義而言之云白夫者矢在侯而貫侯過見其鏃白云參連者前放一矢後三矢連續而去也云刺注者謂羽頭高鏃低而去刺刺然云襄尺者臣與君射不與君竝立襄君一尺而退云井儀者四矢貫侯如井之容儀也云五馭者馭車有五種云鳴和鸞者和在式鸞在衡案韓詩云升車則馬動馬動則鸞鳴鸞鳴則和應先鄭依此而言云逐水曲者無正文先鄭以意而言謂御車隨逐水勢之屈曲而不墜水也云過君表者謂若毛傳云褐纏旃以為門裘纏質以為楹間容握驅而入擊則不得入穀梁亦云艾蘭以為防置旃以為轅門以葛覆質以為絜流旁握御擊者不得入是其過君

表即褐纒旃是也云舞交衢者衢道也謂御車在交道  
車旋應於舞節云逐禽左者謂御驅逆之車逆驅禽獸  
使左當人君以射之人君自左射故毛傳云自左膘而  
射之達于右牒為上殺又禮記云佐車止則百姓田獵  
是也云六書象形之等皆依許氏說文云象形者日月  
之類是也象日月形體而為之云會意者武信之類是  
也人言為信止戈為武會合人意故云會意也云轉注  
者考老之類是也建類一首文意相受左右相注故名  
轉注云處事者上下之類是也人在一上為上人在一  
下為下各有其處事得其宜故名處事也云假借者今  
長之類是也一字兩用故名假借也云諧聲者即形聲  
一也江河之類是也皆以水為形以工可為聲但書有  
六體形聲實多若江河之類是左形右聲鳩鴿之類是  
右形左聲草藻之類是上形下聲婆娑之類是上聲下  
形圓國之類是外形內聲闌闌衡銜之類是外聲內形  
此聲形之等有六也依鄭義案孝經緯援神契三皇無

文則五帝已下始有文字故說者多以蒼頡為黃帝史而造文字起在黃帝於後滋益而多者也云九數者方田以下皆依九章算術而言云今有重差句股也者此漢法增之馬氏注以為今有重差夕桀夕桀亦是算術之名與鄭異案今九章以句股替旁要則旁要句股之類也云祭祀之容穆穆皇皇至堂堂者皆是先鄭以意所釋不依經典故後鄭不從後鄭云祭祀之容齊齊皇皇賓客之容穆穆皇皇朝廷之容濟濟翔翔已上皆禮記少儀文喪紀之容纍纍顛顛軍旅之容暨暨詒詒禮記玉藻之文車馬之容匪匪翼翼亦少儀文故鄭少儀注還引此六儀以證彼也

凡祭祀賓客會同喪紀軍旅王舉則從聽

治亦如之使其屬守王闈注闈宮中之巷門音義

闈音韋

疏釋曰言亦如之已上與師氏從王之事同其屬守王闈者亦謂在國其師氏守中門外此保氏守王闈門

司諫掌糾萬民之德而勸之朋友正其行而強之道藝

巡問而觀察之以時書其德行道藝辨其能而可任於

國事者注朋友相切磋以善道也強猶勸也學記曰強

而弗抑則易巡問行問民間也可任於國事任吏職音

義強其丈反注疏釋曰以時書其德行道藝者此萬民同易以鼓反疏時所習即大司徒所云以鄉三物教

萬民一曰六德知仁聖義忠和二曰六行孝友睦婣任

恤此德行也彼又云三曰六藝禮樂射御書數即此道

藝也云辨其能而可任於國事者案鄉大夫職云與賢

者能者賢謂德行能謂道藝彼則賢能俱與此直云辨

其能可任於國事不言賢者既辨其能則賢者自然亦

辨而舉之可知也注釋曰案鄭注論語同門曰朋同志

曰友則彼其共在學者切磋以道義此勸萬民為友朋則若孟子所云守望相助出入相友者同故鄭云切磋以善道也云任吏職者案鄉大夫所舉者謂鄉民之有德行道藝云辨其能為吏職者亦謂以入治之若然任吏職者謂使為比長閭胥族師之類是也

宥注因巡問勸強萬民而攷鄉里吏民罪過以告王所

當罪不音義

行下孟疏注釋曰司諫攷鄉里之治者由反注同上文巡問即察官民善不也云

而攷鄉里吏民罪過者以巡問觀察萬民則知吏之治不故鄭兼吏民總言之

司救掌萬民之衰惡過失而誅讓之以禮防禁而救之

注衰惡謂侮慢長老語言無忌而未麗於罪者過失亦

由衰惡酤營好訟若抽拔兵器誤以行傷害人麗於罪

者誅誅責也古者重刑且責怒之未即罪也音義

救如字劉

音拘衰似嗟反注作邪同酤

疏

釋曰云掌萬民之衰惡過失而誅讓之者此經

與下文二經為總目也則云衰惡謂坐嘉石之罷民不入園土者過失謂不坐嘉石入園土者也云而誅讓之者即下二文三讓是也云以禮防禁而救之者此衰惡及過失皆去冠飾其過失者又使入園土耳云救之者皆使困苦而今改惡從善是救之也注釋曰衰惡云未麗於罪者謂未附於園土之罪也云酤營者孔注尚書曰以酒為凶曰酤此據字酒旁為凶是因酒為凶者也若然營者榮下作酉小人飲酒一醉日富亦因酒為榮俱是酒之省水之字也云麗於罪者謂附園土罪者也云古者重刑且責怒之未即罪也者鄭云古者重刑者

據周時為古云責解經誅怒之解經罰也云未即罪者各有所對此園土對五刑之刑人則是未即罪也以其未入五刑之罪且役之耳鄭必知過失亦由衰惡者司寇職云以嘉石平罷民又云園土收教罷民二者同名罷民以其為惡大者皆因小以致大故知過失之重亦因衰惡之輕也 凡民之有衰惡者

三讓而罰三罰而士加明刑恥諸嘉石役諸司空注罰

謂撻擊之也加明刑者去其冠飾而書其衰惡之狀著

之背也嘉石朝士所掌在外朝之門左使坐焉以恥辱

之既而役諸司空使事官作之也坐役之數存於司寇

音義

去起呂反著直略反一音丁略反

疏

釋曰此一經論衰惡嘉石之罷民也云三讓而罰者凡欲



治罰人者皆先以言語責讓之乃行治罰云三罰而士加明刑三罰既訖乃送司寇使朝士於外朝坐嘉石恥之也云役諸司空者坐訖乃送司空使役之也注釋曰云加明刑者去其冠飾者案司園云凡害人者弗使冠飾彼據過失入園土者使冠尊不居肉袒之體豈嘉石之罷民而著冠乎明其去冠飾也知書其罪狀者以其稱明刑既不虧體明知書其罪狀著於背為明刑也云嘉石朝士至外朝之門左竝朝士職文故彼云左嘉石平罷民也云役諸司空使事官作之也者以其司空主事故也云坐役之數存於司寇者司寇云重罪旬有三日坐暮役其次九日坐九月役其次七日坐七月役其次五日坐五月役其下罪三日坐三月役是其坐役之數也

其有過失者三讓而罰三罰而歸於園土注園土獄

城也過失近罪晝日任之以事而收之夜藏於獄亦加

明刑以恥之不使坐嘉石其罪已著未忍刑之音義

近附

近之疏釋曰此經論園土之刑人云三讓而罰者亦如

近上三度責讓乃治罰之三罰訖乃歸與司寇使

納之園土也注釋曰云過失近罪者謂對衰惡未近罪

此園土之刑人近五刑之罪故入園土也云晝日任之

以事者亦使司空使之云收之者以其罪重使人收斂

之不使漫游云夜藏於獄者此與嘉石者異云亦加明

刑者亦如嘉石以書其罪狀著於背以恥之云不使坐

嘉石其罪已著者彼坐嘉石者罪輕未著須坐嘉石使

衆人知之此等罪重已著不須坐嘉石也云未

忍刑之者比五刑之罪又輕故未忍刑之也凡歲時

有天患民病則以節巡國中及郊野而以王命施惠注

天患謂裁害也節旌節也施惠賙恤之疏

注釋曰天患謂裁害也者

謂天與人物為裁害謂水旱之裁及疫病之害也知節是旌節者道路用旌節此經巡國及郊野是道路之事故知旌節也

調人掌司萬民之難而諧和之注難相與為仇讎諧猶

調也音義

難乃旦反疏釋曰此一經與下經為總目言注及下同萬民之難即下經凡和難已下

是也注釋曰言仇讎者案左氏桓公傳云怨耦曰仇則仇是怨也讎謂報也即下文父之讎已下皆是怨當報

之故云仇讎也凡過而殺傷人者以民成之注過無本意也成

平也鄭司農云以民成之謂立證佐成其罪也一說以

鄉里之民共和解之春秋傳曰惠伯成之之屬音義和共

竝如 疏 釋曰此謂非故心是過誤或殺或傷於人者成  
字 疏 平也既非故心故以鄉里之民共和解之注釋

曰先鄭雖為兩說後鄭以後說為是故下注云上說立  
證佐成其罪似非也此過失即司刺云再宥曰過失是

也引春秋者左氏文七年傳云魯穆伯娶於莒曰戴已  
其娣聲已戴已卒又聘於莒莒人以聲已辭則為襄仲

聘焉又云且為仲迎及鄆陵登城見之美自為娶之仲  
請攻之公將許之叔仲惠伯諫曰臣聞兵作於內為亂

於外為寇寇猶及人亂自及也今臣作亂而君不禁以  
啓寇讎若之何公止之惠伯成之注云平二子使仲舍

之公孫敖反之復為 鳥獸亦如之注過失殺傷人之畜  
兄弟如初是其事也

產者音義 畜許 疏 釋曰亦謂過誤殺傷人之鳥獸若鷹  
又反 隼牛馬之屬亦以民平和之案今殺

傷人牛馬之等 凡和難父之讎辟諸海外兄弟之讎辟  
償其價直耳

諸千里之外從父兄弟之讎不同國君之讎眡父師長  
之讎眡兄弟主友之讎眡從父兄弟注和之使辟於此  
不得就而仇之九夷八蠻六戎五狄謂之四海主大夫  
君也春秋傳曰晉荀偃卒而視不可舍宣子盥而撫之

曰事吳敢不如事主音義

辟音避下同從才用  
反眡音視盥音管

疏

釋曰云父

之讎辟諸海外已下皆是殺人之賊王法所當討即合  
殺之但未殺之間雖已會赦猶當使離鄉辟讎也是以  
父之讎辟之海外兄弟之讎辟諸千里之外從父兄弟  
之讎不同國別國即得云君之讎眡父者謂同國人殺  
君眡猶比比父亦辟之海外云師長之讎眡兄弟者師  
長謂見受業師與兄弟同云主友之讎眡從父兄弟者

注云主大夫君也此經略言其不言者皆以服約之伯叔父母姑姊妹女子在室及兄弟子衆子一與兄弟同其祖父母曾祖父母高祖父母其孫承後皆斬衰皆與父同其不承後者祖與伯叔同曾祖高祖齊衰三月皆與從父兄弟同以其同繩屨故也自外不見者據服為斷也其兄弟及從父兄弟師長主友皆為無子復無親於己者故據已親疎為遠近若有子及親於已則自從親為斷注釋曰云和之使辟於此者此謂海外千里外之等云九夷之等據職方明堂位而言案漢時徐州刺史荀文若問立周禮父之難辟之海外今青州人饑在遼東可以王法縱不討乎當問之時立已年老昏耄意忘九夷八蠻六戎五狄謂之四海然則周禮謂在四海之外辟之如是亦遠矣若文若之難近則青州遼東作難以海水為四海未達周公聖意所趣故今辨之然饑近東夷之人當辟之西戎餘者放此引春秋者左氏襄十八年晉荀偃伐齊十九年反荀偃瘳疽生瘍於頭

濟河及著雍病日出士旬請見不納請後曰鄭甥可甲寅卒而視不可含宣子盥而撫之曰事吳敢不如事主是也趙商問調人職稱父之讎辟諸海外君亦然注使辟於此不得就而讎之商以春秋之義子不復讎非子臣不討賊非臣楚勝之徒猶言鄭人在此讎不遠矣不可以見讎而不討於是伐之臣感君恩孝子思其親不得報和之而已子夏曰居父母之仇如之何孔子曰寢苫枕干不仕不與共天下遇諸市朝不反兵天下尚不反兵海內何為和之豈宜不達二禮所趣小子曰惑少蒙解說鄭答曰讎在九夷之東八蠻之南六戎之西五狄之北雖有至孝之心能往討不乎子之所云偏於此義案楚勝平王之孫子木之子平王為子木聘女於秦而自納之子木奔鄭子木為鄭人殺之案哀十六年云子木其子勝在吳子西召之使處境為白公請伐鄭子西曰楚未節也不然吾不忘也他日又請許之未起師晉人伐鄭楚救之與盟勝怒曰鄭人在此讎不遠矣

又云秋七月殺子西子期于朝是其事也若然鄭云雖有至孝之心能往討之不乎者欲明孝子雖會赦恒有復讎之心故逆之海外使絕忠臣孝子心使無往之緣其孔子云寢苫枕干不仕者可通之會赦之後恒然其君亦然恐來入中國則殺之也復讎之法依異義古周禮說復讎可盡五世之內五世之外施之於已則無義施之於彼則無罪所復者惟謂殺者之身乃弗辟則與在被殺者子孫可盡五世得復之鄭從之也

之瑞節而以執之注瑞節玉節之剡圭也和之而不肯

辟者是不從王命也王以剡圭使調人執之治其罪疏

釋曰此經使辟者其人戀鄉不肯辟是違王命之人則在上與調人瑞節執而付秋官與之罪也注釋曰鄭知瑞節是剡圭者案典瑞云剡圭以和難故知是剡圭也鄭又知使調人執瑞節不使死家執之者此王法治之



明使調人之官執之也

凡殺人有反殺者使邦國交讎之注反復

也復殺之者此欲除害弱敵也邦國交讎之明不和諸

侯得者即誅之鄭司農云有反殺者謂重殺也音義直

用疏釋曰云有反殺者反復也謂既殺一人其有子弟

反復殺之恐後與已為敵而害已故鄭云欲除害弱

敵也云邦國交讎之者其殺人者或逃向鄰凡殺人而

國所之之國得則讎之故云邦國交讎之也

義者不同國令勿讎讎之則死注義宜也謂父母兄弟

師長嘗辱焉而殺之者如是為得其宜雖所殺者人之

父兄不得讎也使之不同國而已疏注釋曰論語云見

義與此義者一也故云義宜也謂父母兄弟師長三者嘗辱焉子弟及弟子則得殺之是得其宜也云雖所殺者人之父兄不得讎也者直言父兄不言子弟略之也古者質故三者被辱即得殺之也

凡有鬪怒

者成之不可成者則書之先動者誅之注鬪怒辨訟者

也不可成不可平也書之記其姓名辨本也鄭司農云

成之謂和之也和之猶今二千石以令解仇怨後復相

報移徙之此其類也玄謂上言立證佐成其罪似非音

義

復扶又反下不復聽同

疏

釋曰言鬪怒則是言語忿爭未至毆擊故成之若相毆擊則當罪之也故

鄭云鬪怒謂辨訟也注釋曰云上言立證者即經云過而殺傷人者以民成之司農於彼注兩解之初解成謂

立證佐成其罪復一解成為和平之義此注先鄭復云  
成之謂和之以和解成則上文云立證佐成其罪似非  
取以破  
前也

媒氏掌萬民之判注判半也得耦為合主合其半成夫

婦也喪服傳曰夫妻判合鄭司農云主萬民之判合疏

注釋曰云得耦為合者始雖以萬民為主上至天子皆  
得耦為合主於萬民而言但士以上兼妾媵為異耳引  
喪服傳者證  
判為合義  
凡男女自成名以上皆書年月日名焉注

鄭司農云成名謂子生三月父名之音義上時疏釋曰

論媒氏之官合男女必先知男女年幾故萬民之男女  
自三月父名之以後皆書年月日及名以送與媒氏媒

氏官得之以勘男三十女二十配成夫婦也注釋曰子  
生三月父名之禮記內則文案內則三月之末父執子  
右手孩而名之又云夫告宰名宰辯告諸男名書曰某  
年某月某日某生而藏之注引桓六年九月丁卯子同  
生是也  
令男三十而娶女二十而嫁注二三者天地相承

覆之數也易曰參天兩地而奇數焉音義

奇於綺反本  
或作倚音同

疏

注釋曰云二三者天地相承覆之數也者此二十女  
三十男法天地相承覆之數也云易曰參天兩地而

倚數焉者案易繫辭云天一地二天三地四天五地六  
是就生數之中天三度生地二度生象天三覆地二故  
云天地相承  
凡娶判妻入子者皆書之注書之者以別  
覆之數也

未成昏禮者鄭司農云入子者謂嫁女者也玄謂言入

子者容媵姪娣不聘之者音義

別彼列

疏

釋曰云凡者以其此經總

說天子已下娶妻及媵之事故云凡以廣之注釋曰媒氏以男女既有未成昏之籍書其已成昏者以別未昏

以待後昏也先鄭云入子者謂嫁女後鄭不從者經判妻已是嫁女後更言入子明非嫁女也故後鄭云玄謂

言入子者容媵姪娣不聘之者也案成公九年春二月伯姬歸於宋夏晉人來媵是媵也姪娣而書者謂待年

於父母者也隱二年冬伯姬歸於紀七年春三月叔姬歸于紀何休云叔姬者伯姬之媵也至是乃歸者待年

父母國也婦人八歲備數十五從嫡二十承事君子媵賤書者後為嫡終有賢行鄭君或與何休異如是言娶

判妻姪娣後去者則存焉故入子謂媵與姪娣後去者也案昏禮云雖無娣媵先則媵與姪娣一也此鄭云媵

姪娣不止是一者既言媵又云姪娣故知別且媵與姪娣相對則姪娣無媵稱故莊公十九年秋公子結媵陳

人之婦于郟公羊云媵者何諸侯娶一國則二國往媵之以姪娣從是其義也媒氏掌萬民之判得有媵與姪娣者庶人或無妾亦容有者且媒氏所掌雖以萬民為主亦容有尊者娶法故鄭云容媵姪娣不聘也知不聘者見內則云聘則為妻奔則為妾故也王肅曰周官云令男三十而娶女二十嫁謂男女之限嫁娶不得過此也三十之男二十之女不待禮而行之所奔者不禁娶何三十之限前賢有言丈夫二十不敢不有室女子十五不敢不有其家家語魯哀公問於孔子男子十六精通女子十四而化是則可以生民矣聞禮男三十而有室女二十而有夫豈不晚哉孔子曰夫禮言其極亦不是過男子二十而冠有為人父之端女子十五許嫁有適人之道於此以往則自昏矣然則三十之男二十之女中春之月者所謂言其極法耳昭曰禮記本命曰中男三十而娶女二十而嫁合於中節大古男五十而有室女三十而嫁尚書大傳曰孔子曰男三十而娶女二

十而嫁通於織紵紡績之事黼黻文章之美不若是則  
上無以孝於舅姑而下無以事夫養子穀梁傳曰男子  
二十而冠冠而列丈夫三十而娶尹更始云男三十而  
娶女十五許嫁笄二十而嫁曲禮三十曰壯有室盧氏  
云三十盛壯可以取女內則三十而有室始理男事女  
子十五笄二十而嫁有故二十三而嫁經有夫婦之長  
殤舊說三十而娶而有夫婦長殤者何關盛衰一說關  
畏厭溺而殤之盧氏以為衰世之禮也張融從鄭及諸  
家說又春秋外傳越王句踐蕃育人民以速報吳故男  
二十而娶女子十七而嫁如是足明正禮男不二十娶  
女不十七嫁可知也

中春之月令會男女注中春陰陽交以成昏

禮順天時也疏

釋曰王肅論云吾幼為鄭學之時為謬  
言尋其義乃知古人可以於冬自馬氏

以來乃因周官而有二月之說詩東門之楊其葉牂牁  
毛傳曰男女失時不逮秋冬三星參也十月而見東方

時可以嫁娶又云時尚暇務須合昏因萬物閉藏於冬  
而用生育之時娶妻入室長養之母亦不失也孫卿曰  
霜降逆女冰泮殺止詩曰將子無怒秋以為期韓詩傳  
亦曰古者霜降逆女冰泮殺止士如歸妻迨冰未泮為  
此驗也而玄云歸使之來歸於已謂請期時來歸之言  
非請期之名也或曰親迎用昏而曰旭日始旦何用哉  
詩以鳴鴈之時納采以感時而親迎而周官中春令會  
男女之無夫家者於是時奔者不禁則昏姻之期非此  
日也孔子家語曰霜降而婦功成嫁娶者行焉冰泮而  
農業起昏禮殺於此又曰冬合男女秋班時位也詩曰  
有女懷春吉士誘之春日遲遲女心傷悲綢繆東芻三  
星在隅我行其野蔽芾其樗倉庚于飛熠燿其羽詩殷  
頌曰天命玄鳥降而生商月令仲春玄鳥至之日以大  
牢祠于高禩天子親往玄鳥生乳之月以為嫁娶之候  
天子重之而祀焉凡此皆與仲春合者也夏小正曰二  
月綏多士女冠子嫁女娶妻之時交昏於仲春秋以為



期此淫奔之詩易泰卦六五帝乙歸妹以祉元吉鄭說  
云五爻辰在卯春為陽中萬物以生生育者嫁娶之貴  
仲春之月嫁娶男女之禮福祿大吉易之咸卦柔上剛  
下二氣感應以相與皆說男下女召南草蟲之詩夫人  
待禮隨從在塗見采芨者以詩自興又云士如歸妻迨  
冰未泮舊說云士如歸妻我尚及冰未泮定納其篇義  
云嫁娶以春陽氣始生萬物嫁娶亦為生類故管子篇  
時令云春以令男女融謹案春秋魯送夫人嫁女四時  
通用無譏文然則孔子制素王之法以遺後世男女以  
及時盛年為得不限以日月家語限以冬不附於春秋  
之正經如是則非孔子之言也嫁娶以仲春著在詩易  
夏小正之文且仲春為有期之言秋冬春三時嫁娶何  
自違也家語冬合男女窮天數之語詩易禮傳所載咸  
泰歸妹之卦國風行露綢繆有女懷春倉庚于飛熠熠  
其羽春日遲遲樂與公子同歸之歌小雅我行其野蔽  
芾其樗之歎此春娶之證也禮諸侯越國娶女仲春及

冰未散請期乃足容往反也秋如期往淫奔之女不能  
待年故設秋迎之期標有梅之詩殷紂暴亂娶失其盛  
時之年習亂思治故美文王能使男女得及其時陳晉  
棄周禮為國亂悲傷故刺昏姻不及仲春玄說云嫁娶  
以仲春既有羣證故孔晁曰有女懷春毛云春不暇待  
秋春日遲遲女心傷悲謂蠶事始起感事而出蔽芾其  
樗喻愚惡夫熠熠其羽喻嫁娶之盛飾三星在隅孟冬  
之月參見東方舉正昏以刺時此雖用毛義未若鄭云  
用仲春為正禮為密也是以詩云匏有苦葉濟有深涉  
箋云匏葉苦而渡處深謂八月時時陰陽交會始可以  
為昏禮納采問名又云士如歸妻迨冰未泮箋云歸妻  
使之來歸於已謂請期冰未散正月中以前二月可以  
為昏然則以二月為得其實

**於是時也奔者不禁注重**

惟為有故者得不用仲春

天時權許之也疏

注釋曰云於是時謂是仲春時此月  
既是娶女之月若有父母不娶不嫁

之者自相奔就亦不禁之但人而無禮胡不遄死以當禮乃可得為配言奔者不禁者鄭云權許之其實非正也禮若無故而不用令者罰之注無故謂無喪禍之變也

有喪禍者娶得用非仲春之月雜記曰已雖小功既卒

哭可以冠子娶妻音義

冠古疏注釋曰言令者即上中

有喪禍之故得不用中春令無故不用令則罪罰之也  
注引雜記者證喪禍之故於月數滿雖非中春可以嫁  
娶也云已雖小功者彼上文有父小功之末可以冠娶故云已雖小功也

司男女之無夫家

者而會之注司猶察也無夫家謂男女之鰥寡者疏

釋曰

上文已云令會男女謂無夫家者也今又言司察男女  
無夫家是嘗已有匹配故鄭云無夫家謂男女之鰥寡

也者凡嫁子娶妻入幣純帛無過五兩注純實緇字也古

緇以才為聲納幣用緇婦人陰也凡於娶禮必用其類

五兩十端也必言兩者欲得其配合之名十者象五行

十日相成也士大夫乃以玄纁束帛天子加以穀圭諸

侯加以大璋雜記曰納幣一束束五兩兩五尋然則每

端二丈音義

純側其反依字從絲才

疏

釋曰凡嫁子娶妻舍尊卑但云緇帛文主庶人耳注

釋曰云純實緇字也古緇以才為聲者緇以絲為形才為聲故誤為純字但古之緇有二種其緇布之緇系旁留後不誤故禮有緇布冠緇布衣存古字若以絲帛之緇則系旁才此字諸處不同絲理明者即破為色此純

帛交祭義蠶事以為純服故論語云麻冕禮也今也純  
儉如此之類皆絲理自明即為色解之昏禮云女次純  
衣鄭云純衣絲衣以昏禮直云純衣絲理不明故為絲  
衣解之也云五兩十端者古者二端相向卷之共為一  
兩五兩故十端也云十者象五行十日相成者左傳云  
天有六氣降生五行行各有二日東方木為甲乙南方  
火為丙丁中央土為戊己西方金為庚辛北方水為壬  
癸是十日言相成者木八為金九妻火七為水六妻土  
十為木八妻金九為火七妻水六為土五妻所尅者為  
妻是夫妻相成之數云士大夫乃以玄纁束帛者案士  
昏禮玄纁束帛大夫昏禮而有改娶者依士禮用玄纁  
故云士大夫用玄纁云天子加以穀圭諸侯加以大璋  
者玉人文謂加於玄纁束帛之上以行禮引雜記者證  
五兩兩五尋四十尺之意云納幣一束束五兩兩五尋  
者尋八尺則一兩四尺五兩兩四尺五兩兩五尺故  
鄭玄云然則每端二丈若餘行禮則用制幣丈八尺取

儉易共此昏禮每端二丈取誠實之義故以二丈整數為之也

禁遷葬者與嫁殤者注

遷葬謂生時非夫婦死既葬遷之使相從也殤十九以

下未嫁而死者生不以禮相接死而合之是亦亂人倫

者也鄭司農云嫁殤者謂嫁死人也今時娶會是也疏

釋曰遷葬謂成人鰥寡生時非夫婦死乃嫁之嫁殤者生年十九已下而死死乃嫁之不言殤娶者舉女殤男

可知也凡男女之陰訟聽之于勝國之社其附于刑者歸

之于士注陰訟爭中冓之事以觸法者勝國亡國也亡

國之社奄其上而棧其下使無所通就之以聽陰訟之

情明不當宣露其罪不在赦宥者直歸士而刑之不復

以聽士司寇之屬詩云牆有茨不可掃也中冓之言不

可道也所可道也言之醜也音義

冓古候反或棧士板反劉才產反或士諫反

茨疾䟽

注釋曰云陰訟爭中冓之事者謂若詩之中冓私反以觸法也云勝國亡國也者此社有四名若此

往勝得彼國將社來謂之勝國即此文是也若據彼國喪亡則謂之亡國之社引公羊傳者是也又名喪國之

社郊特牲云喪國之社必屋之是也據其地則曰亳社則左傳云亳社哉是也故云勝國亡國也云亡國之社

者公羊傳文云奄其上者即郊特牲屋之不受天陽者是也云棧其下者謂於下著柴以棧之使不通陰故也

故云使無所通也云就之以聽陰訟之情明不當宣露者以其勝國社上下不通是不宣露中冓之言亦不宣

露故就而聽之也若然案詩召伯聽男女之訟於甘棠之下不在勝國社者彼謂周公未制禮前此據制禮之後故不同云其罪不在赦宥者直歸士而刑之不復以聽釋經附於刑者歸於士若然赦宥者媒氏聽之云士司寇之屬者案司寇有士師之等屬司寇故云之屬是以鄭注詩亦云士師所當審也詩者邶詩刺衛宣公之詩引之者證經所聽者是中冓之言也

司市掌市之治教政刑量度禁令注量豆區斗斛之屬

度丈尺也音義

治直吏反下及大治小治同區烏侯反

疏

釋曰此經與下文為總目云掌

市之治者下文云聽大治小治是也教即此下文以次叙分地之等謂教之處置貨物是也政者即下文云以政令禁物靡等是也刑者即下文云以刑罰禁彙是也量度即下文云以量度成賈是也禁令者即下文云以



賈民禁偽是也注釋曰豆區斗斛之屬者豆區即昭三年晏子云齊舊四量豆區釜鍾是也云斗斛即律歷志云篇合升斗斛是也此不言釜以次叙分地而經市注鐘與篇升者之屬中兼之也

次謂吏所治舍思次介次也若今市亭然叙肆行列也

經界也音義

行戶剛反疏釋曰司市之官以次叙二事分行地而置之而以經界其市

使各有處所不相雜亂也注釋曰云次謂吏所治舍者吏即下文司市賈師涖思次介次者是也云若今市亭然者舉漢法而言云叙肆行列也者以其言叙即行肆之列故為行列解之案內宰職云設其次置其叙正其肆注云次思次叙介次不為行列與此注違者彼云次與叙下更云正其肆則肆為行列故分次為思次以叙為介次也此文不具直有次叙無言正其肆故并思以介同名為次叙為行列此鄭望文為義故注不同以

陳肆辨物而平市注陳猶列也辨物物異肆也肆異則

市平疏

釋曰陳列也謂行列其屢肆而辨其物物異則市賈平故云平市也

以政令禁物

靡而均市注物靡者易售而無用禁之則市均鄭司農

云靡謂侈靡也音義

易以豉反下之易同售受又反

疏

釋曰司市出政令而禁其物貨

細靡者以物貨細靡人買之者多貴而無用致令廉物買之者少而賤使市賈不平今禁之則市物均平故云

均市也

以商賈阜貨而行布注通物曰商居賣物曰賈阜

猶盛也鄭司農云布謂泉也音義

賈音古注曰賈下商賈賈師皆同

疏

注釋曰鄭知通物曰商者易云至日閉闕商旅不行除至之日商旅則行故鄭注大宰云行曰商行商則是通

物者也鄭知居賣物曰賈者商既通物明賈則在市而居賣物者也故鄭注大宰云處曰賈也由此二等商賈或通貨或在市賣之故貨賄阜盛而布泉得行故云阜貨而行布也

以量度成賈而徵債

注徵召也債買也物有定價則買者來也音義

成賈音嫁注下

不音者皆同聶氏及沈云成賈奠賈定物賈其賈平大賈小賈賈賤恒賈而故賈凡十二音嫁餘音古債劉音育聶氏音笛疏釋曰量以量穀梁之等度以度布絹之字林他竺反等成定也以量度二物以定物賈徵召也債買之物賈定則召買者來故云徵債也注釋曰知債為買者以言徵召買者故以債為買此字所訓不定案下文所云貴債者鄭注貴賣之鄭亦望文為義故注不同也

以質劑結信而止訟注

質劑謂兩書一札而別之也若今下手書言保物要還

矣鄭司農云質劑月平音義

劑子隨反平皮疏

釋曰質劑謂券

書恐民失信有所違負故為券書結之使有信也民之

獄訟本由無信既結信則無訟故云止訟也注釋曰下

質人云大市以質小市以劑故知質劑是券書是以鄭

云兩書一札而別之古者未有紙故以札書小宰職注

云兩書一札同而別之此不云同明亦有同義也鄭云

若今下手書者漢時下手書即今畫指券與古質劑同

也先鄭云質劑月平小宰先鄭注亦如此解以為月平

若今之市估文書亦得為一義故後鄭每引之在下也

以賈民禁偽而除詐注賈民胥師賈師之屬必以賈民

為之者知物之情偽與實詐音義

賈劉音嫁聶沈音古注賈民同疏釋

司市之官用賈民知物真偽者使禁物之偽而除去人

之詐虛也注釋曰知賈民是胥師賈師之屬者案下胥

師職云察其詐偽飾行僨慝者而誅罰之故知此賈民禁偽是胥師賈師之屬謂屬胥師賈師受其役使也云知物之情偽與實詐者直依經解之情則真以刑罰禁也情偽既據物而言則言實詐據人而說也

越而去盜注刑罰憲徇扑音義

越薄報反去起呂反扑普卜反下文同疏

釋曰刑期於無刑以殺止殺故以刑罰禁越亂之人又去其相盜竊也注釋曰知刑罰是憲徇扑者司市所施惟施於市中者故下云小刑憲罰中刑徇罰大刑以泉扑罰其附於刑者歸於士故知惟有此三者也

府同貨而歛賒注同共也同者謂民貨不售則為歛而

買之民無貨則賒貫而予之音義

賒傷蛇反共如字為于偽反下為民同貫

音世貸也劉傷夜反一時夜反疏釋曰下文有泉府職掌斂市之罰布之等藏之今司市之官以泉府所藏

之布物與民同行其貨而民無財者賒而予之後斂取其直故云同貨而斂賒也注釋曰云同者謂民貨不售則為斂而買之者民賣物不售則以泉府之物買取之釋經同貨也民無貨則賒貫而予之者此謂所買得之物民有急須而無貨者則貫與之有時斂取其直釋經斂賒也但賒貫二字通用也

大市日昃而

市百族為主朝市朝時而市商賈為主夕市夕時而市

販夫販婦為主注日昃昃中也市雜聚之處言主者謂

其多者也百族必容來去商賈家於市城販夫販婦朝資夕賣因其便而分為三時之市所以了物極衆鄭司

農云百族百姓也音義

昃音側本又作昃

販

疏釋曰案下文市

朝一夫各方百步就百步而分為三時之市恐不可若然則一夫者據市亭置次與敘司市及賈師胥師聽事之處取其列行肆之處則居地多矣今經有三時之市不先言朝市夕市而先言日昃者據向市人多而稱大市故先言之此三市皆於一院內為之大市於中朝市於東偏夕市於西偏郊特牲所云是也注釋曰云日昃昃中也者昃者傾側之義昃者差昃之言故以昃解昃也是以尚書無逸云文王至於日中昃不遑暇食是中後稱昃也云市雜聚之處言主者謂多者也者謂云百族為主則兼有商賈販夫販婦云商賈為主則兼有百族販夫販婦云販夫販婦為主則兼有百族與商賈也云百族必容來去者百族或在城內或在城外者容其來往故於日昃以後主之云商賈家於市城者行曰商居曰賈即賈家於市今并言商者其商雖行通物亦容於市也云朝資夕賣者資若冬資絺夏資絺之類則資者朝買資之至夕乃賣故以資言之云所以了物極衆

者以分為三市者欲了其所欲之物極盡其衆也先鄭云百族百姓也者欲見此百姓異於秋官司寇戒於百族彼百族是府史以下此據市人稱百族明據天下百姓亦非百官百姓對則正姓與氏族異通而言之氏族則庶姓故以百姓為百族凡市入則胥執鞭度守門市之羣吏平肆

展成奠賈上旌于思次以令市市師涖焉而聽大治大訟胥師賈師涖于介次而聽小治小訟注凡市入謂三時之市市者入也胥守門察偽詐也必執鞭度以威正人衆也度謂及也因刻丈尺耳羣吏胥師以下也平肆平賣物者之行列使之正也展之言整也成平也會平



成市物者也。奠讀為定，整勅會者使定物，賈防誑豫也。上旌者以為衆望也。見旌則知當市也。思次若今市亭也。市師司市也。介次市亭之屬，別小者也。故書涖作立。杜子春云：奠當為定，鄭司農云：思辭也。次市中候樓也。立當為涖，涖視也。玄謂思當為司，字聲之誤也。音義

奠音

定又田見反，上時掌反。疏注釋曰：鄭知凡市入是上三注同，又音殊，誑九况反。疏時之市者以其言凡明總三時之市云：胥守門察偽詐也者，以其執度之故也。云必執鞭度以威正人衆也者，鞭以威人衆，度以正人衆，故并言之也。云度謂及也者，案下文廬人云：輟兵同強。注云：改句言輟容及無刃。此文鞭度連言則一物以為二

用若以繫鞞於上則為鞭以長丈二因刻丈尺則為度  
知羣吏胥師以下者見下司稽職云執鞭度而巡其前  
此亦執鞭度故知是胥師以下叙官云胥師二十肆則  
一人胥二肆則一人鄭云胥師領羣胥則胥師已下非  
直巡行肆亦更來守門故鄭總云胥師以下知平肆是  
平賣物者之行列使之正者以是經直云平肆肆是行  
列恐其行肆不正以正之也云展之言整也成平也會  
平成市物者也莫讀為定者鄭以為平成市物整敕會  
者使定物價恐有豫為誑欺故云防誑豫先鄭云思辭  
也後鄭以為思則司字聲之誤也者下云介次不為辭  
明思不得為辭直是思司聲同故誤為思也此思司聲  
同不得為字誤今有本云字聲之誤兼有字者讀當云  
思當為司字字絕

凡萬民之期于市者辟布者量度者

讀之乃合義也

刑戮者各於其地之敘注期謂欲賣買期決于市也量

度者若今處斗斛及丈尺也故書辟為辭鄭司農云辭

布辭訟泉物者也玄謂辟布市之羣吏考實諸泉入及

有遺忘疏

釋曰云凡萬民之期于市有此已下三事有辟布者量度者刑戮者各於其地之敘則諸

物行肆之所也注釋曰云期決於市也者謂人各自為期限使了市事於市也云若今處斗斛及丈尺者謂斗

斛處置於米粟之肆丈尺處置於絹布之肆案前注量

豆區斗斛此中不云豆區前注廣解量名此略云市所

用故注不同案律歷志度量衡皆起於黃鍾之律故彼

云以子穀秬黍中者一黍一分九十黍黃鍾之長則一

黍為一分十黍為寸十寸為尺十尺為丈十丈為引五

度審矣又云子穀秬黍中者千二百黍其實一籥合籥

為合十合為升十升為斗十斗為斛五量審矣先鄭從

故書辟布為辭訟之布後鄭不從而為羣吏考實諸泉

入者若辭訟之布當歸其本主何得各有地之叙乎明  
不得為辭訟之布也云考實諸泉入者辟法也謂民將  
物來於肆賣者肆長各考量物數得實稅入於市之泉  
府知民將物來於市有稅者案下文云國凶荒市無征  
明不凶荒有征矣其實者則宜置於地之敘歎者沒入  
官是其法也云及有遺忘者謂羣吏考實泉之處有遺  
忘者便歸令本主識認之下文得貨賄  
六畜之等是依列肆失者與此文別也 凡得貨賄六畜

者亦如之三日而舉之注得遺物者亦使置其地貨於  
貨之肆馬於馬之肆則主求之易也三日而無識認者

舉之沒入官疏

釋曰此謂在列肆遺忘闕失者使各歸本肆使主識認取之

凡治市

之貨賄六畜珍異凶者使有利者使阜害者使凶靡者

使微注利利於民謂物實厚者害害於民謂物行苦者

使有使阜起其賈以徵之也使亾使微抑其賈以卻之

也侈靡細好使富民好奢微之而已鄭司農云亾者使

有無此物則開利其道使之有音義

物行遐孟反又如字聶胡剛反苦音

古卻起略反好呼報反

疏

注釋曰云使有使阜者總釋經亾者利者起其賈者謂增起其賈引物自然

來故使有使阜盛也云微之而已謂少抑其賈使微少

不絕而已先鄭云亾者使有無此物則開利其道使之

有與後鄭起其賈義異引之者凡通貨賄以璽節出入

義得兩通故後鄭亦從之也

之注璽節印章如今斗檢封矣使人執之以通商以出

貨賄者王之司市也。以內貨賄者邦國之司市也。疏

釋曰

金玉曰貨布帛曰賄其璽節餘物亦通而直云通貨賄者以物之賁及民之所用多者莫過貨賄故舉以言之無妨餘物亦通之注釋曰云璽節印章如今斗檢封矣者案漢法斗檢封其形方上有封檢其內有書則周時印章上書其物識事而已云使人執之以通商者以其商旅主通貨賄故知執璽節者是通商也云出貨賄者王之司市也者以其商旅買貨賄於市以出向邦國故知是王之司市給璽節也云內貨賄者邦國之司市也者以其貨賄從邦國來當入王畿故知還是邦國之司市給璽節也此經直云入之鄭雖云內貨賄者邦國之司市亦容有從畿內入市者故下掌節云貨賄用璽節鄭云變司市言貨賄者貨賄非必由市或資於民家若然商資於民家得出向邦國若資於民家亦國凶荒札容入來向王市賣之則璽節受之於門闕矣

喪則市無征而作布注有災害物貴市不稅為民乏困

也金銅無凶年因物貴大鑄泉以饒民疏

釋曰凶荒謂年穀不熟札

謂疫病喪謂死喪恤其乏困故市無征也注釋曰以其凶年穀則貴金銅凶年亦賤故云無凶年是以諺云豐年粟儉年玉云因物貴者其物止謂米穀餘物竝賤也凡市偽飾之禁在民者十

有二在商者十有二在賈者十有二在工者十有二注

鄭司農云所以俱十有二者工不得作賈不得粥商不

得資民不得畜玄謂王制曰用器不中度不粥於市兵

車不中度不粥於市布帛精麤不中數幅廣狹不中量

不粥於市姦色亂正色不粥於市五穀不時果實未熟  
不粥於市木不中伐不粥於市禽獸魚鼈不中殺不粥

於市亦其類也於四十八則未聞數十二焉音義

賈音古注

同粥音育下同中丁仲反

疏

釋曰云凡偽飾之禁此與在民以下為總目故云凡

以廣之注釋曰先鄭云所以俱十有二者工不得作以下云云謂民與商賈及工四者皆同十二云工不得作

者工匠主營作故云不得作云賈不得粥者以其處曰賈賈主賣粥故云不得粥云商不得資者商主通貨賄

貨賄皆當豫資貯故云不得資云民不得畜者萬民非作非粥非資故以畜聚而言也立謂王制曰用器不中

度不粥於市者案彼鄭注云用器弓矢耒耜耒耜長六尺弓長六尺六寸之等矢長三尺之類皆有長短度數



也云兵車不中度不粥於市者案考工記輪人為兵車  
乘車之輪崇六尺六寸成出草車一乘出於民間故民  
亦有粥兵車之法云布帛精麤不中數廣狹不中量不  
粥於市者布之精麤謂若朝服十五升斬衰三升齊衰  
有三等或四升或五升或六升大功已下有七升八升  
九升小功有十升十一升十二升總麻有十五升抽去  
半其帛之升數禮無明文云廣狹不中量者布幅則廣  
二尺二寸其繒幅則依朝貢禮廣二尺四寸云姦色亂  
正色不粥於市者論語孔子惡紫之奪朱則朱是南方  
正色紫是北方姦色紫奪朱色是姦色亂正色故孔子  
惡之若然自餘四方皆有姦色正色若紅綠及碧等皆  
有亂正色之義也云五穀不時果實未熟不粥於市者  
鄭彼注云皆謂不利人云木不中伐不粥於市者鄭彼  
注引山虞職云仲冬斬陽木仲夏斬陰木以為證是非  
此時則木不中伐云禽獸魚鼈不中殺不粥於市者案  
鼈人職云秋獻鼈蜃冬獻龜魚案禮記王制云獺祭魚

然後虞人入澤梁豺祭獸然後殺是殺禽獸魚鼈之時  
得粥於市非此時則不可也云亦其類也者王制所云  
不中度之類是在工者不中數不中量姦色亂正色是  
在商者不時及未熟是在農者此等亦兼有在賈者故  
云亦其類也云於四十八則未聞數十二者王制之文  
從用器為一兵車為二布三帛四姦色五五穀六果實  
七木八禽九獸十魚十一鼈十二是聞之十二矣  
於四十八則未聞三十六故云未聞數十二也

市刑

小刑憲罰中刑徇罰大刑扑罰其附于刑者歸于士注

徇舉以示其地之衆也扑撻也鄭司農云憲罰播其肆

也故書附為祔杜子春云當為附音義

祔劉方符反沈音附

疏

釋曰

附于刑者歸于士者此刑各有所對言之市刑雖輕亦  
名為刑若對五刑則五種者為刑故云附於刑者歸於

士士謂秋官士師鄉士遂士之屬其人屬彼者各歸之使刑官斷之也注釋曰云徇舉以示其地之衆也者徇者徇列之名故知舉其人以示其地肆之衆使衆為戒也云扑撻也者大射云司射措扑尚書云扑作教刑皆是笞撻為扑故云扑撻也先鄭云憲罰播其肆也者憲是表顯之名徇既將身以示之則此憲是以文書表示於肆若布國君過市則刑人赦夫人過市罰一幕世子

過市罰一幣命夫過市罰一蓋命婦過市罰一帷注謂

諸侯及夫人世子過其國之市大夫內子過其都之市也市者人之所交利而行刑之處君子無故不遊觀焉若遊觀則施惠以為說也國君則赦其刑人夫人世子

命夫命婦則使之出罰異尊卑也所罰謂憲徇扑也必

罰幕帟蓋帷市者衆也此四物者在衆之用也此王國

之市而說國君以下過市者諸侯之於其國與王同以

其足以互明之音義

幕劉音莫帟音亦觀古喚反下同或音官為說如字解說也聶如銳

反疏

注釋曰云大夫內子者大夫中含卿內子卿之妻含大夫之妻命婦也故經云命婦注云內子也

若然此經大夫命婦是諸侯科中不見天子卿大夫則天子卿大夫與諸侯卿大夫及命婦亦是互見為義也

云所罰謂憲徇扑也者其憲徇刑之輕者而赦之使出帷幕難備之物者出物雖重而無恥憲徇雖輕而有愧

故以出物為輕也案幕人云掌供帷幕幄帟綬帷幕用布幄帟用繒在上曰幕在旁曰帷帟承塵其蓋當是於

衆中障暑雨之蓋未必是輪人所作蓋弓二十有八在車者也云諸侯之於國與王同以其足以互明之者此以王國之市若直見王后世子過市則不見諸侯已下過市故云互明之也

凡會同師役市司帥賈師而從治其市政掌

其賣債之事注市司司市也債買也會同師役必有市

者大衆所在來物以備之疏

釋曰王與諸侯行會同及師役征伐之等或在畿內

或在畿外皆有市則市司帥賈師而從以其知物賈故使從不帥胥師者胥師不知物賈於事緩故不從也

周禮注疏卷十四

周禮注疏卷十四考證

師氏以三德教國子疏案老子道經云道可道非常道  
○下文又案德經云上德不德是以有德分道經德  
經為二蓋唐以前本如此

保氏而養國子以道注今有重差夕桀句股也○

臣人

龍

按音義云夕桀二字非鄭注疏中則云馬氏注以  
為今有重差夕桀夕桀亦是算術之名與鄭異則此  
夕桀二字乃後人因馬注而增入者

調人鳥獸亦如之。疏償其價直耳。○監本此句下文有和之使辟於此不得就而仇之十二字，乃誤衍下節注文刪之。

弗辟則與之瑞節，而以執之。疏案典瑞云：剡圭以和難。

○臣浩

按典瑞職：剡圭以除慝。賈氏誤引穀圭之文耳。

媒氏凡嫁子娶妻，入幣純帛。注：純，實緇字也。古緇以才。

為聲。疏：若以絲帛之緇，則系旁才。○臣紱

按：據下句。




則上句絲字蓋紂字之訛


司市以次叙分地而經市注思次介次也若今市亭然  
疏思介同名為次。介監本訛作次今改正

凡會同師役市司帥賈師而從。帥石經訛作胥師二  
字

周禮注疏卷十四考證

謹案第二十一頁後六行疏舍尊卑刊本舍訛舍  
今改





覆校官編修臣劉種之

校對官檢討臣李學錦

謄錄監生臣蔣瞻祐

欽定四庫全書薈要

經部

周禮注疏卷十五



欽定四庫全書薈要卷一千八百六十八

經部

周禮注疏卷十五

漢鄭氏注 唐陸德明音義 賈公彥疏

**質人** 掌成市之貨賄人民牛馬兵器珍異注成平也會者平物賈而來主成其平也人民奴婢也珍異四時食

物疏

釋曰此質人若今市平準故掌成平市之貨賄已下之事注釋曰云會者平物賈而來主成其平也

者會謂市人會聚買賣止為平物而來質人主為平定之則有常估不得妄為貴賤也此知人民奴婢也者以其在市平定其賈故知非良人是奴婢也云珍異四時食物者見下廛人云凡珍異之有滯者斂而入于膳府

即果實及諸食物  
依四時成熟者也

凡賣價者質劑馬大市以質小市以

劑注鄭司農云質劑月平賈也質大賈劑小賈玄謂質

劑者為之券藏之也大市人民馬牛之屬用長券小市

兵器珍異之物用短券音義

長如

疏

注釋曰先鄭以質劑為月平大小賈

若今市估文書先鄭注小宰聽賣買以質劑亦如此解  
後鄭以為券書者上文成市之貨賄之等已市平文  
書則此經云大市以質小市以劑及小宰云聽賣買以  
質劑文勢不得為月平故以券書可知也玄謂大市人  
民馬牛已下鄭以意分之為大小就大者而言若人  
民則未成亂已下牛馬未著齒已前亦得為小者也

掌

稽市之書契同其度量壹其淳制巡而攷之犯禁者舉



而罰之注稽猶考也治也書契取予市物之券也其券

之象書兩札刻其側杜子春云淳當為純純謂幅廣制

謂匹長也皆當中度量玄謂淳讀如淳尸盥之淳音義

淳音准廣光曠反長直亮反中疏注釋曰云稽猶考也

丁仲反淳尸劉章純反下同治也者并取治質劑

并解之故兼云治也云書契取予市物之券也者并案

小宰職云聽取予以書契經既云書契故知與彼同非

上質劑之市買者也云其券之象書兩札刻其側者小

宰注云兩書一札同而別之云刻其側若今畫指也杜

子春云淳當為純純謂幅廣制謂匹長也者即丈八尺

後鄭從之後鄭不從杜子春純者純止可為絲為緇不

得為幅廣狹故讀從士虞禮淳尸盥之淳故內宰注依

巡守禮淳四咫鄭荅志咫八寸四當為三三咫謂二尺

也四寸凡治質劑者國中一甸郊二甸野三甸都三月邦

國暮期內聽期外不聽注謂齋券契者來訟也以期內

來則治之後期則不治所以絕民之好訟且息文書也

郊遠郊也野甸稍也都小都大都音義

暮如字本或作基同好呼報反

疏注釋曰云謂齋券契者來訟也者云此經總上質劑與書契來訴者知郊是遠郊者以其內有國中外云

野野遠郊之外明知郊是遠郊也知野是甸稍者郊外

曰野是大總之言下有都都是四百五百里明此是二

百里甸三百里稍可知又知都中含大都小都者此質人總聽畿外明此都兼大小二都可知

廛人掌斂市紬布總布質布罰布廛布而入于泉府注

布泉也鄭司農云紬布列肆之稅布杜子春云總當為

僂謂無肆立持者之稅也玄謂總讀如租總之總總布

謂守斗斛銓衡者之稅也質布者質人之所罰犯質劑

者之泉也罰布者犯市令者之泉也廛布者貨賄諸物

邸舍之稅音義

音僂鄭音惣僂音讒總音摠疏

注釋曰知布泉

一物者此布皆入泉府故知泉布一也是以外府云掌

布注云取其水泉流通無不徧也先鄭云紬布列肆之

稅布者謂在行肆坐賣物之常稅也杜子春云總當為

僂謂無肆立持者之稅也者後鄭不從為守斗斛銓衡

者之稅也者此經廛人掌依行肆者故不得為無肆立

持故破從租總之總總布是守斗斛銓衡之稅下肆長

云斂其總布是無肆立持故注從子春總當為僂也云  
質布者質人所罰犯質劑者之泉也者謂犯質劑違券  
書罰泉也云罰布者犯市令者之泉也者謂司市有教  
令其人犯之使出泉云廛布者貨賄諸物邸舍之稅者  
謂在行肆官有邸舍人有置物  
于中使之出稅故云廛布也

凡屠者斂其皮角筋骨

入于玉府注以當稅給作器物也其無皮角及筋骨不

中用亦稅之疏

釋曰云屠者謂屠殺豕羊之類其人亦  
有地稅因其屠即取皮角筋骨堪飾器

物者使入玉府也注釋曰知以當稅者謂若山虞澤虞  
之等所出稅皆云以當邦賦邦賦即地稅之類是也云  
無皮角及筋骨不中用亦稅之謂若羊牛有皮角及筋  
骨其豕則無之類是不中用亦使出物之稅以當邦賦  
之  
處凡珍異之有滯者斂而入于膳府注故書滯或作廛

鄭司農云謂滯貨不售者官為居之貨物沉滯於塵中  
不決民待其直以給喪疾而不可售賈賤者也塵謂市  
中之地未有肆而可居以畜藏貨物者也孟子曰市塵  
而不征法而不塵則天下之商皆說而願藏於其市矣  
謂貨物儲藏於市中而不租稅也故曰塵而不征其有  
貨物久滯於塵而不售者官以法為居取之故曰法而  
不塵玄謂滯讀如沉滯之滯珍異四時食物也不售而  
在塵久則將瘦臞腐敗為買之入膳夫之府所以紓民

事而官不失實音義

官為于偽反下同畜勅六反說音悅諸知呂反本或作貯又作褚皆

同藏如字劉本作葬音同瘦本又作腴所又

反臞其俱反又作臞音稍紓音舒劉常汝反

之有滯者謂四時珍美異味買者遂少沉滯不售者也

云斂而入于膳府者謂官以泉府之財買取之入于膳

夫之府以供官食注釋曰先鄭云謂滯貨不售者官為

居之經直為珍異非貨物先鄭以貨物解之故後鄭不

從也先鄭又云廛謂市中之地未有肆而可居以畜藏

貨物者但廛雖非肆是官之邸舍不得為空地故後鄭

不從引孟子市廛而不征者周則廛有征上文廛布是

也云不征者非周法又云法而不廛則與此經同故先

鄭引之後鄭增成其義也云久則將瘦臞腐敗者考工

記梓人云大胄臞後臞是細小之義故云瘦臞腐敗是

以為

買之

胥師各掌其次之政令而平其貨賄憲刑禁焉注憲表

縣之音義

縣音

疏

釋曰案序官云胥師二十肆則一人故云各掌其次之政令云憲刑禁焉

者刑謂市中之刑憲徇扑禁謂市中之禁謂市司當時設禁令非士師五禁也鄭云憲謂表縣之則經憲非為憲徇扑  
察其詐偽飾行儂慝者而誅罰之注鄭司農云

儂賣也慝惡也謂行且賣姦偽惡物者玄謂飾行儂慝

謂使人行賣惡物於市巧飾之令欺誑買者音義

行下孟反

慝他得反巧若教反又疏注釋曰先鄭云儂賣也者此經如字令力呈反下文同疏云飾行儂慝明儂為賣不得為買上文每云賣儂儂不得為賣故為買是鄭望文為義故不定也先鄭云謂行且賣姦偽惡物以且間之則

行是行步之行不為行濫之行  
故後鄭不從以為行濫解之  
聽其小治小訟而斷之

音義 治直吏反下之  
疏 釋曰上司市已云胥師賈師泄  
治同斷丁亂反 於介次而聽小治小訟上總言

之此正當職  
故申叙之也

賈師各掌其次之貨賄之治辨其物而均平之展其成

而奠其賈然後令市注辨別也音義

賈音古下注賈師  
同奠音定別彼列

反疏 釋曰案序官云賈師二十肆則一人與胥師數同

疏 故云各掌其次之貨賄之治也云辨其物而均平

之者此與胥師所掌同云展其成而奠  
其賈者則與胥師異以其知物價故也  
凡天患禁貴儻

者使有恒賈注恒常也謂若褚米穀棺木而睹久雨疫



病者貴賣之因天災害阨民使之重困音義

重直用反

疏注釋

曰鄭云謂若儲米穀棺木者以其天患無過凶荒札喪故鄭知富人豫儲米穀以擬凶荒豫儲棺木以擬死而

病賣之也四時之珍異亦如之注薦宗廟之物疏

釋曰此珍

異亦是富人賤時豫儲而後貴時賣之注釋曰案月令四時有珍異之物皆云先薦寢廟故鄭以為薦宗廟舉

重而言也凡國之賣債各帥其屬而嗣掌其月注債買也故

書賣為買鄭司農云謂官有所斥令賣賈師帥其屬而

更相代直月為官賣之均勞逸音義

更音庚為官于偽反

疏注釋曰先

鄭云謂官有所斥賣者斥謂指斥出之故鄭注大宰亦云幣餘謂占賣國之斥幣義與此同也云賈師帥其屬

而更相代者賈師之下有羣賈亦  
二肆則一人者使之更互相代也

凡師役會同亦如之

疏

釋曰此亦從行所在  
當直為官賣買也

司覈掌憲市之禁令禁其鬪蹶者與其覈亂者出入相

陵犯者以屬遊飲食于市者注蹶謹也鄭司農云以屬

遊飲食羣飲食者音義

蹶五羔反又許  
駢反謹音歡

疏

注釋曰此屬  
遊飲食謂聚

而羣遊飲食者禁之

若不羣遊則得飲

若不可禁則搏而戮之音義

搏音  
博下

同

司稽掌巡市而察其犯禁者與其不物者而搏之注不

物衣服視占不與衆同及所操物不如品式音義

操七曹反

疏注釋曰案大司徒民當同衣服今有人衣服不與衆人同又視占亦不與衆人同及所操物不如品式此

皆違禁之物故搏之也

掌執市之盜賊以狗且刑之音義

狗辭俊反

疏

釋曰上司市市中之刑無過憲狗扑附於刑者歸於士此掌執市之盜賊以狗且刑之亦無過小盜狗扑而已故云以狗且刑之若直狗者不必有刑其刑者必狗故狗刑兩言之也

胥各掌其所治之政執鞭度而巡其前掌其坐作出入

之禁令襲其不正者注作起也坐起禁令當市而不得

空守之屬故書襲為習杜子春云當為襲謂掩捕其不

正者疏

釋曰案序官胥二肆則一人故亦云各掌其所治之政則一人掌二肆者也云執鞭度而巡其

前者此鞭度亦如上文守門者謂以笏為鞭而量物也

注釋曰杜子春從襲不從古書習者習是學習之義襲

是掩襲之義故從襲是以左氏公羊

皆有不聲鍾鼓為襲是掩其不備也凡有罪者撻戮而

罰之注罰之使出布疏

注釋曰此罰布即上廛人職云罰布一也故彼注云罰布者犯

市令之布也

肆長各掌其肆之政令陳其貨賄名相近者相遠也實

相近者相爾也而平正之注爾亦近也俱是物也使惡

者遠善善自相近鄭司農云謂若珠玉之屬俱名為珠

俱名為玉而賈或百萬或數萬恐農夫愚民見欺故別

異令相遠使賈人不得雜亂以欺人音義

近附近之近下及注同遠

于萬反注同數色主反別彼列反令力呈反賈音古疏

釋曰此肆長謂一肆立一長使之檢校一肆之事若

今行頭者也注釋曰云俱是物也者即司農云俱名為珠俱名為玉之類是也云使惡者遠善者釋經名相近

者相遠也云善自相近者釋經實相近者相爾也先鄭云謂若珠玉之屬已下直釋經名相近者相遠不釋實

相近者其義可知故也先鄭雖舉珠玉貴者而餘物亦爾

**斂其總布掌其戒禁**注杜

子春云總當為儵疏

注釋曰此肆長各主一肆故罰其無肆立持之布故後鄭引而從之

也

泉府掌以市之征布斂市之不售貨之滯於民用者以  
其賈買之物揭而書之以待不時而買者買者各從其  
抵都鄙從其主國人郊人從其有司然後予之注故書

滯為痺杜子春云痺當為滯鄭司農云物揭而書之物  
物為揃書書其賈揭著其物也不時買者謂急求者也  
抵故賈也主者別治大夫也然後予之為封符信然後  
予之玄謂抵實抵字抵本也本謂所屬吏主有司是也

音義

揭音竭抵音帝又都禮反痺音旦又丁左疏釋曰  
反揃音賤又倉庶反著直略反治直吏反云掌

以市之征布者即上廛人歛布已下之布並入泉府而  
藏之故總云征布也云各從其抵者抵謂本主所屬之  
吏乃付之即都鄙從其主國人郊人從其有司是也云  
都鄙者可兼大小都及家邑云國人者謂住在國城之  
內即六鄉之民也云郊人者即遠郊之外六遂之民也  
注釋曰先鄭云抵故賈也後鄭不從者假令官前買時  
貴後或賤今依故賈與之即損民故不得依故賈以解  
抵也先鄭云主者別治大夫也者義或然以其公卿大  
夫常在王朝其都鄙則遣人治之若季氏費宰公山弗  
擾之輩天子都鄙蓋亦然先鄭云為封符信然後予之  
者封符信謂有符信文書皆封題之計買者得主及有  
司然後賣不須封信文書但於理無害故後鄭不破之  
也後鄭破抵從抵者經是抵欺之抵故破從木傍抵抵  
得為本義也云本謂所屬吏主有司是者鄭欲解抵與  
主有司為一故

凡賒者祭祀無過旬日喪紀無過三月

注鄭司農云賒賞也以祭祀喪紀故從官賞買物疏

注釋

曰先鄭之意以祭祀喪紀二者事大故賒與民不取利

凡民之貸者與其有司辨

而授之以國服為之息注有司其所屬吏也與之別其

貸民之物定其賈以與之鄭司農云貸者謂從官借本

賈也故有息使民弗利以其所賈之國所出為息也假

令其國出絲絮則以絲絮償其國出絺葛則以絺葛償

玄謂以國服為之息以其於國服事之稅為息也於國

事受園廬之田而貸萬泉者則暮出息五百王莽時民



貸以治產業者但計贏所得受息無過歲什一音義

音貸

待注同別彼列反貸民之貸音吐代反本賈疏釋曰貸

音嫁一音古所賈音古令力呈反償時亮反疏者即今

之舉物生利與上文不同云與其有司辨而授之者謂

別其所授之物以與之云以國服為之息者所出之利

各以國服而為息也注釋曰云有司其所屬更也者此

則上文有司一也若然此經不言都鄙主者有司中兼

之故上注亦云本所屬吏是祗本中兼二者云與之別

其貸民之物者但泉府中所藏之物種類不同欲授民

之時先當分別又當定其賈數以與之先鄭以所賈之

國所出為息已下後鄭不從者凡言服者服事為名此

經以民之服事唯出稅是也則載師云二十而一已下

是也是以鄭引載師受園廬之田而貸萬泉者則暮出

息五百萬泉出息五百計當二十而取一若然近郊十  
一者萬泉暮出息一千遠郊二十而三者萬泉暮出息

一千五百旬稍縣都之民萬泉暮出息二千鄭直云園  
廬者略舉以言之也云王莽時民貸以治產業者但計  
贏所得受息無過歲什一者此則與周少異周時不計  
其贏所得多少據本徵利王莽時雖計本多少為定及  
其徵科唯據所贏多少假令萬泉歲還贏萬泉  
徵一千贏五千徵五百餘皆據利徵什一也  
凡國事

之財用取具焉歲終則會其出入而納其餘注會計也

納入也入餘於職幣音義

會古外反後放此

疏

釋曰云凡國事之財用取具焉

者言事謂有司為國家之事興作用財物者皆來向泉  
府取財為具焉泉府財盡乃於餘府別取焉云歲終則  
會其出入出謂出府會計用財入謂於廬人歛取歛布  
已下云納其餘者若國家來取財不盡而有餘則納與  
天官職幣職幣別出  
與人故云納其餘也

司門掌授管鍵以啟閉國門注鄭司農云鍵讀為蹇管

謂籥也鍵謂牡音義

鍵其展反又其偃反司農音蹇居免反籥羊略反

疏

釋曰云掌

授管鍵以啟閉國門者謂用管籥以啟門用鍵牡以閉

門故雙言以啟閉國門則王城十二門者也注釋

曰先鄭讀鍵為蹇者欲取其蹇澀之意云管謂籥也者

即月令注管籥搏鍵器是也云鍵謂牡者以入為牡容

者為牝者若爾

雅走曰牝牡也

幾出入不物者正其貨賄凡財物犯禁

者舉之注不物衣服視占不與衆同及所操物不如品

式者正讀為征征稅也犯禁謂商所不資者舉之沒入

官音義

正音

疏

注釋

曰鄭知不物是衣服之等者見王

制云關執禁以幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

幾禁異服識異言閤人

云潛服賊器不入宮奇服怪民不入宮明此司門亦然  
故鄭以不物衣服之等解之但鄭釋不物之中有三事  
一者衣服二者占視皆不與衆同三者手所操持不如  
尋常品式以其特異於人此三者皆須訶問所以也云  
正讀為征征稅也者下文云國凶札無關門之征明無  
凶札之時有征稅故讀從征稅之字也云犯禁者謂商  
所不資者商所資者謂若國語云冬資絺夏資綿之類  
是商所豫資待時而賣者乃不為犯其商所不資謂非  
民常用之物則以其財養死政之老與其孤注財所謂  
舉之沒入官也以其財養死政之老與其孤注財所謂  
門關之委積也死政之老死國事者之父母也孤其子  
疏注釋曰云財所謂門關之委積也者即上遺人云門  
關之委積以養老孤云死政之老死國事者之父母  
也孤其子者即外饗云邦  
饗者老孤子義與此同  
祭祀之牛牲馯馬監門養之

注監門門徒音義

監古銜反注同

疏

注釋曰牧人六牲至祭前三月

則使充人繫而養之若天地宗廟則繫於牢芻之三月若其散祭祀之牲則不在牢遣此監門門徒養之不必

也三月凡歲時之門受其餘注鄭司農云受祭門之餘疏

釋曰凡歲時之門者歲之四時祭門非一故云凡以總之若月令秋祭門者是祭廟門此門亦謂國門十二者除四時祭外仍有為水祈禱故左氏莊公二十五年秋大水有用牲於門之事凡四方之賓客

造焉則以告注造猶至也告告於王而止客以俟逆音義

造七到疏釋曰謂四方諸侯來朝覲至關闕人告王至反注同郊郊人告王至國門門人告王王得告皆遣

人往迎故鄭云止客以俟逆也

司關掌國貨之節以聯門市注貨節謂商本所發司市之璽節也自外來者則案其節而書其貨之多少通之

國門國門通之司市自內出者司市為之璽節通之國

門國門通之關門參相聯以檢猾商音義

猾音滑

疏

注釋曰案

下文掌節云貨賄用璽節則璽節主通貨賄若然璽節亦可先從王司市而出鄭今解經璽節先從邦國向內而言者以其司關在境而先云掌國貨之節後云以聯門市是從外向內之言故鄭亦順經先從邦國司市解之也云案其節而書其貨之多少通之國門國門通之司市者將送商人而執節者別有過所文書若下文節傳當載人年幾及物多少至關至門皆別寫一通入關家門家乃案勘而過其自內出者義亦然云參相連以

檢猾商者司市與關及門三處相連恐姦猾商人或以多為少或隱而不出以避稅故相連以檢括之也其遠郊近郊雖不置官掌之亦應有人幾問但無稅法故不言耳

司貨賄之出入者掌其

治禁與其征廛注征廛者貨賄之稅與所止邸舍也關

下亦有邸客舍其出布如市之廛音義

治直疏釋曰司吏反主也主

貨賄出入謂上經以聯門市者是也云與其征廛者征謂稅廛謂邸舍二事雙言也注釋曰云關下亦有邸客舍其出布如市之廛者案上文廛人有廛布鄭云廛邸舍此關亦有邸舍商人於關停止則有稅故云如市之廛也

凡貨不出於關者舉其貨罰其人注不出於關謂從

私道出辟稅者則沒其財而撻其人音義

辟音避一疏音芳益反

注釋曰注云沒其財者解經舉其貨撻其人者解經罰其人案上憲罰之等皆是撻但舉其貨已是罰物故知罰其人是撻之可知也

凡所達貨賄者則以節傳出之注商或取貨於民間無璽節者至關關為之璽節及傳出之其有

璽節亦為之傳傳如今移過所文書音義

傳張戀反疏注下皆同

釋曰此文重釋上國貨之節上直云璽節此經兼有傳傳則過所文書注釋曰鄭云商或取貨於民間無璽節者至關關為之璽節者若本由王市而出則司市為之璽節商或於民間者或在郊內關內民間買得物貨不得向司市取璽節故因向關外則便於關取節而出若在城內民間資貨者司關為璽節以出之授節者即授傳與

國凶札則無關門之征猶幾注鄭司農云凶謂凶



年饑荒也札謂疾疫死亡也越人謂死為札春秋傳曰

札瘥天昏無關門之征者出入關門無租稅猶幾謂無

租稅猶苛察不得令姦人出入孟子曰關幾而不征則

天下之行旅皆說而願出於其塗音義札側八反又音

也苛呼多反又音何疏釋曰此司關所掌兼言門者門

令力呈反說音悅關同類無征是同司門既不言

故於關并言門也注釋曰上注札為疫病此司農以札

為死則札因病而死義得兩兼是以引越人謂死為札

也云春秋傳者昭十九年左氏云鄭駟偃卒其父兄立

子瑕子產曰寡君之二三臣札瘥天昏注云大死曰札

小疫曰瘥短折曰夭未名曰昏又洪範云六極一曰凶

短折注云未斲曰凶未斲曰短未昏曰折竝無正文望

經為說耳引春秋者證扎為大疫也引孟子者案孟子云尊賢使能俊傑在位則天下之士皆說而願立於朝矣市廛而不征法而不廛則天下之商皆說而願藏於市矣關幾而不征則天下之行旅皆說而願出於其塗矣耕者助而不稅則天下之民皆說而願耕於其野矣廛無夫里之布則天下之民皆說而願為之民矣信能行此五者則鄰國之民仰之如父母矣率其子弟攻其父母自有生民以來未有能濟者也如是則無敵於天下無敵於天下然而不王者未之有也此陳正法與周異引之者彼正法不征商旅則有說此經有故不征亦所以說民故

取一邊為證也**凡四方之賓客故關則為之告**注謂朝

聘者也故關猶謁關人也鄭司農說以國語曰周之秩

官有之曰敵國賓至關尹以告行理以節逆之音義

音故

叩苦狗反為于釋曰敬猶至也畿外諸侯來朝使卿  
偽反朝直遙反疏大夫來大聘小聘但至闕門皆先謁

關人關人止客則奔告王王使小行人逆勞於畿也注

釋曰案小行人云凡諸侯入王則逆勞於畿聘禮使者

至謁關人此經亦總云賓客敬關則為之告是以鄭云

謂朝聘者也云叩關猶謁關人者猶聘禮關人也先鄭

說以國語曰周之秩官有之者案國語定王使單襄公

聘於宗遂假道於陳以聘楚侯不出疆司空不視塗單

子歸告於王曰陳侯不有大咎國必亡矣又云周之秩

官有之曰敵國賓至闕關尹以告行理以節逆之韋昭

注云理更也行理小行人掌國賓客禮以待四方使逆

賓客侯人為導卿出郊勞司里授館引之者國語云闕

尹以告則此經司闕為之告一也云行理以節

逆之者證闕尹告王王使小行人以節逆之也

**有外內**

**之送令則以節傳出內之注有送令謂奉貢獻及文書**

以常事往來環人之職所送迎通賓客來至關則為之

節與傳以通之疏

釋曰此雙言之云有外之送令則以節傳內之者謂從諸侯之國畿外而

入者則關人以節及傳內之至王又云有內之送令則以節傳出之者謂有王命從王國而出則亦以節傳出之送至畿上也注釋曰秦秋官環人職云掌送逆邦國之通賓客以路節達諸四方注云路節旌節也四方圻上與此義同故引以言之

掌節掌守邦節而辨其用以輔王命注邦節者珍圭牙

璋穀圭琬圭琰圭也王有命則別其節之用以授使者

輔王命者執以行為信音義

別彼列反下相別同使所吏反下之使注使節使者

同疏

釋曰此一經論王國之節對下文邦國是諸侯故此王國文單言邦也注釋曰云邦節者珍圭之等

皆約典瑞言之案典瑞云珍圭以徵守以恤凶荒牙璋以起軍旅以治兵守穀圭以和難以聘女琬圭以治德以結好琰圭以易行以除慝是其邦節也不數自外璧美以起度之等以其彼是王國所用非使者之節故不言之云王有命則別其節之用以授使者此釋經而辨其用故典瑞注亦皆云王使之瑞節也

守邦國

者用玉節守都鄙者用角節注謂諸侯於其國中公卿

大夫王子弟於其采邑有命者亦自有節以輔之玉節

之制如王為之以命數為小大角用犀角其制未聞疏

注釋曰云謂諸侯於其國中者釋經守邦國者用玉節云公卿大夫王子弟於其采邑者釋經守都鄙者用角

節畿內公卿大夫亦是畿內之國但對畿外諸侯為尊  
故公卿已下言都鄙也云有命者亦自有節以輔之者  
亦如上文王有命有節以輔之云玉節之制如王為之  
以命數為小大者以邦國與王同稱王節故知邦國亦  
有數等之節亦皆以玉為之以其諸侯國內亦有徵守  
好難起軍旅之等故知與王同知以命數為小大者以  
其命圭之等依命數故知亦以九以七以五為節也其  
天子玉節自以大小為數故琬圭琰圭俱同九寸穀圭  
牙璋俱七寸唯有珍圭無文鄭云大小當與琬琰相依  
云角用犀角者案釋獸云犀似豕注云角在鼻上犀角  
是角中之貴故知不得用玉者當用犀角云其制未聞  
者以其邦國之玉節可以約王之玉節都鄙之角節無  
可依約既無舊制故云其制未聞此云都鄙用角節注  
謂公卿大夫王子弟於其采邑是都鄙之主案小行人  
都鄙用管節注謂公之子弟及卿大夫之采地之吏也  
故用管節與此不同彼諸侯采地亦同用管節不異外

內也若天子公卿大夫采邑之吏下注約入道路用旌節凡邦國之使節山國用虎

節土國用人節澤國用龍節皆金也以英蕩輔之注使

節使卿大夫聘於天子諸侯行道所執之信也土平地

也山多虎平地多人澤多龍以金為節鑄象焉必自以

其國所多者於以相別為信明也今漢有銅虎符杜子

春云蕩當為帑謂以函器盛此節或曰英蕩畫函音義

蕩如字又吐黨反注釋曰云使節使卿大夫聘於天

帑吐黨反盛音成子諸侯行道所執之信也者大聘

使卿小聘使大夫或於天子或於諸侯故並言之也云

土平地也者對山澤非平地也云山多虎者若晉國之

類也云平地多人者若衛國之類也云澤多龍者若鄭國之類也云以金為節鑄象馬者釋經皆金也云必自以其國所多者於以相別為信明也者山澤與平地人虎龍皆雜有今言山國用虎澤國用龍土國用人皆據多者相別為信以自明也引漢有銅虎符者證周時節用銅之意也杜子春云蕩當為幣者音以湯蕩反之今人猶言幣也幣則函故云謂以函器盛此節也云或曰英蕩畫函者其函猶是蕩但以英華有畫義故更云畫函也經云輔之者以函輔此節使不壞損也案昭二十九年公在鄆賜公衍羔裘使獻龍輔於齊侯注龍輔玉名所以輔龍節與此別也門關用符竹即貨賄用璽節道路用旌節皆有期以反節注門關司門司關也貨賄者主通貨賄之官謂司市也道路者主治五涂之官謂鄉遂大夫也凡



民遠出至於邦國邦國之民若來入由門者司門為之節由關者司關為之節其商則司市為之節其以徵令及家徙則鄉遂大夫為之節唯時事而行不出關不用節也變司市言貨賄者璽節主以通貨賄貨賄非必由市或資於民家焉變鄉遂言道路者容公邑及小都大都之吏皆主治五涂亦有民也符節者如今宮中諸官詔符也璽節者今之印章也旌節今使者所擁節是也將送者執此節以送行者皆以道里日時課如今郵行

有程矣以防容姦擅有所通也凡節有法式藏於掌節

音義

郵音尤字從垂作却誤

疏

注釋曰鄭知門關是司門司關者以其人之出入必由門由關而授

節者非門關之官不可輒授故知主守門及關者故以司門司關解之也云貨賄者主通貨賄之官謂司市也者以其貨賄所得皆由於市乃得通之於外亦非官不可輒授故知貨賄用壘節必是王之司市也云道路者主治五溝五涂之官謂鄉遂大夫也者謂以其授節非官不可言路即遂人徑畛涂道路之涂也鄉之田制與遂同故知旌節是鄉遂大夫所授也云凡民遠出至於邦國邦國之民若來入由門者司門為之節由關者司關為之節據此注凡民出至邦國若宅在國城中先由門司門授之節若宅在關內者則由關司關授之節也若邦國之民來入則先由關司關授之節若然邦國之民入其節直由關不由門亦云由門者因王國之民

出由門故總言之於義無妨也云其商則司市為之節者此王之掌節而言貨賄用璽節明是王之司市非邦國之司市其實商徒從邦國來即邦國司市為節故上司闕注云貨節謂商本所發司市之璽節自外來者即案其節是邦國之璽節也云其以徵令及家徙則鄉遂大夫為之節者知徵令有節者見鄉大夫云國有大夫故以旌節輔令則達之注云民雖命行其將之者無節不得通是徵令有節之事又如家徙有節者見比長云若徙於他則為之旌節而行之是家徙有節也又云唯時事而行不出關不用節也者時事行若比長云徙於郊徙於國當鄉徙及非徵令皆不須節兼言不出關者關內當都當邑當行不由關皆不須節也云變司市言貨賄者司市本出璽節授商今不言市而變言貨賄故鄭云璽節主以通貨賄貨賄非必由市或資於民家則由門者司門與之節由關者司闕授之節故變言貨賄也云變鄉遂言道路者容公邑及小都大都之吏皆主治

五涂亦有民也者鄉遂公邑為溝洫法三等采地為井田法井田與溝洫雖俱為溝洫稀稠有異皆有五涂以官主當其民出入皆受旌節故變鄉遂而言道路以容此等之官云之吏者以其都鄙之主在王朝唯吏在都鄙故以吏言之也云符節以下周法無文故皆約漢法况之案太史公本紀漢文帝二年九月初與郡國守相為銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹使符者皆以竹箭五枚長五寸鐫刻篆書第一至第五張晏曰符以代古之圭璋從簡易也鄭引之者欲明漢時銅虎符本出於此也

凡通達於天下者必有節以傳輔之注必有節

言遠行無有不得節而出者也輔之以傳者節為信耳

傳說所齎操及所適疏

釋曰此經總解上經門闕諸有節并有傳輔成信驗或有節無

傳或有傳無節或傳節俱無則不得通達於天下也無節者有幾則不達注園土

內之疏

釋曰此亦總解上門闕已下應有節傳今無節者非直被幾又不通達前所也注釋曰知園土

內之者見比長云無節無授園土內之故也

遂人掌邦之野注郊外曰野此野為甸稍縣都疏

注釋曰遂

在遠郊百里之外即遂人所掌之野在郊外曰野之中故鄭云郊外曰野鄭又知此野謂甸稍縣都者從二百里至五百里皆名野此遂人不言掌遂又見下文云以達于畿明遂人掌野通至畿疆也但遂人雖專掌二百里之中乃兼掌三百里以外其有溝洫井田之法皆知之也以土地之圖經田野造

縣鄙形體之灋五家為鄰五鄰為里四里為鄣五鄣為

鄙五鄙為縣五縣為遂皆有地域溝樹之使各掌其政  
令刑禁以歲時稽其人民而授之田野簡其兵器教之

稼穡注經形體皆為制分界也鄰里鄙鄙縣遂猶郊內

比閭族黨州鄉也鄭司農云田野之居其比伍之名與

國中異制故五家為鄰立謂異其名者示相變耳遂之

軍法追胥起徒役如六鄉音義鄙作管反後同分扶問  
反又如字下分制同比

毗志反下同追釋曰遂人以土地之圖據圖以經界  
如字劉張類反疏其田野謂田在百里之外野中  
所經界者即造縣鄙已下是也云造縣鄙者此與下五  
家為鄰之等為總目五家以下有六等略言二者耳云

皆有地域溝樹之者從五家已下據地境界四邊營域  
為溝溝上而樹之也云使各掌其政令刑禁者五家則  
鄰長施政令五鄰則里宰施政令已上皆施之云以歲  
時稽其人民者稽計也人民猶言夫家夫家男女也以  
歲之四時計其所管男女多少而損益之云授之田野  
者若下文一廛田百畝云簡其兵器者若族師旗鼓兵  
革云教之稼穡者亦若計耦耕事注釋曰云經形體皆  
謂制分界也者以田野云經縣鄙云造形體之法明是  
為田野云經緯為縣鄙云形體二者同實而異名明俱  
為分界處所也云鄰里鄙鄙遂猶郊內比閭族黨州  
鄉以家數相對是同故云猶郊內也先鄭云田野之居  
其比伍之名與國中異制者田野之居釋經經田野比  
伍之名謂夫一廛田百畝也言比伍則經中言五皆是  
也名與國中異制亦異以其六遂之內上地有萊五十  
畝并下劑致吐並異也玄謂異其名者示相變耳者此  
後鄭直增成先鄭家數雖同名異之意云遂之軍法

追胥起徒役如六鄉者案小司徒云乃會萬民之卒伍  
而用之五人為伍五伍為兩四兩為卒五卒為旅五旅  
為師五師為軍以起軍旅以作田役以比追胥以令貢  
賦注云鄉之田制與遂同但彼鄉中唯見出軍無田制  
此遂人唯見田制無出軍法故鄭彼注云鄉之制與遂  
同此遂之軍法追胥起役如彼六鄉互見其義明彼此  
皆有也但彼此雖相如據大較而言細論之仍有少異  
以其六鄉上劑致民六遂下劑致注云六鄉上地無菜六  
遂上地有菜有菜是其稍異也凡治野以下劑致注云以田里安注云以樂  
昏擾注云以土宜教注云稼穡以興耒利注云以時器勸注云以  
疆予任注云以土均平政注云變民言注云以時器勸注云以  
情無知貌也致猶會也民雖受上田中田下田及會之



以下劑為率謂可任者家二人樂昏勸其昏姻如媒氏會男女也擾順也時器鑄作耒耜錢鎛之屬疆予謂民有餘力復予之田若餘夫然政讀為征土均掌均平其稅鄭大夫讀耬為藉杜子春讀耬為助謂起民人令相

佐助音義

亡耕反耬音助李又音鉏疆其良反情本又作憊莫崩反又音蒙李武氷反猶會古外

反下一字同率音律又音類錢

疏釋曰云以下劑致

音剪劉音踐鎛音博復扶又反

者對六遂之中其家

一人為正卒已下皆為羨卒此六遂之中家一人為正

卒第二者為羨卒自外並為餘夫家取二人為下劑致

也云以田里安

宅民得業則安故云安也

以樂昏擾

也者男女人所

宅民得業則安故云安也

以樂昏擾

也者男女人所

宅民得業則安故云安也

以樂昏擾

也者男女人所

宅民得業則安故云安也

以樂昏擾

也者男女人所

樂故云樂昏飲食男女人之大欲存焉故配以婚姻即順民意也以土宜教之稼穡者高田種黍稷下田種稻麥是教之稼穡云以興勸利也者勸助也興起其民以相佐助是與民為利故云利也注釋曰此案大司徒小司徒主六鄉皆云民不言也此變民言也者直是異外內而已無義例以其民者冥也也者情情皆是無知之貌也云雖受上田中田下田者即此下文夫一廬以下是也云以下劑為率謂可任者家二人者則其外為餘夫是也云耒耜錢鎛之屬者詩云庠乃錢鎛仍有鎡基之等故云之屬鄭大夫讀耜為藉藉借也謂借民力所治之田民相借無此事故

辨其野之土上地中地下

後鄭謂相佐助從子春也

地以頒田里上地夫一廬田百畷菜五十畷餘夫亦如之中地夫一廬田百畷菜百畷餘夫亦如之下地夫一

廬田百畷萊二百畷餘夫亦如之注萊謂休不耕者鄭  
司農云戶計一夫一婦而賦之田其一戶有數口者餘  
夫亦受此田也廬居也揚子雲有田一廬謂百畷之居  
也玄謂廬城邑之居孟子所云五畷之宅樹之以桑麻  
者也六遂之民竒受一廬雖上地猶有萊皆所以饒遠  
也王莽時城郭中宅不樹者為不毛出三夫之布音義

令力呈反畷音畷萊音

疏釋曰此據在六遂之中為野  
來數色主反竒居宜反故以野言之并上地中地下

地以頌其田里此皆與已下為總目也此直言上中下  
地亦當如小司徒云上地家七人中地家六人下地家

五人也注釋曰案詩云田卒污萊注高者萊下者污是萊謂休不耕者也先鄭引揚子雲有田一廬謂百畝之居也後鄭不從以為廬與孟子五畝之宅同者此經上中下地皆云夫一廬田百畝百畝與一廬別言之則此廬與廬人皆謂廬繇於其中則此乃是廬里任國中之地一也不得同為百畝之田詩所云三百廬兮者自是三百家之稅亦以廬表稅也云六遂之民奇受一廬者釋經餘夫亦如之則餘夫皆有田有廬是餘夫奇別更受廬備後離居之法故奇受一廬也云雖上地猶有萊者對六鄉不言餘夫之廬上地又無萊故云皆所以饒遠也引王莽時事者凡治野夫間有遂遂上有徑十夫

有溝溝上有畛百夫有洫洫上有涂千夫有澮澮上有道萬夫有川川上有路以達于畿注十夫二鄰之田百

夫一鄣之田千夫二鄙之田萬夫四縣之田遂溝洫澮  
皆所以通水於川也遂廣深各二尺溝倍之洫倍溝澮  
廣二尋深二仞徑畛涂道路皆所以通車徒於國都也  
徑容牛馬畛容大車涂容乘車一軌道容二軌路容三  
軌都之野涂與環涂同可也萬夫者方三十三里少半  
里九而方一同以南畝圖之則遂從溝橫洫從澮橫九  
澮而川周其外焉去山陵林麓川澤溝瀆城郭宮室涂  
巷三分之制其餘如此以至於畿則中雖有都鄙遂人

盡主其地音義

乘繩證反從子容反下同去起呂反盡

津忍疏

釋曰遂人所掌即六遂之中故云凡治野云夫間有遂已

反五溝所以通水入川五涂所以通道向都及國城也

注釋曰云十夫二鄰之田已下以遂之中有鄰里鄴鄙

縣遂故十夫以下還以鄰鄴鄙縣地當之鄭知遂廣深

各二尺溝倍之洫倍溝澮廣二尋深二仞者此雖溝洫

法與井田異制其遂溝洫澮廣深亦與井田溝澮廣深

同故鄭還約匠人井田之法而言也鄭知徑容牛馬之

等義如此者此從川上有路差之凡道皆有三塗川工

之路則容三軌道容二軌塗容一軌軌皆廣八尺其畛

宜差小可容大車一軌軌廣八尺自然徑不容車軌而

容牛馬及人之步徑是以春秋有牽牛蹊蹊即徑也云

都之野涂與環涂同可也者案匠人云環涂以為諸侯

徑涂野涂以為都徑涂鄭注云徑亦謂城中道諸侯環

涂五軌其野涂及都環涂皆三軌彼注亦與此注同皆以爲都之野涂與環涂同依內則云道有三涂男子由右女子由左車從中央是以鄭解川上之路及都之野涂皆容三軌也云萬夫者方三十三里少半里者此解經萬夫有川之意從西北隅北畔至東頭有十沔一沔百夫十沔千夫千夫萬步萬步有三十三里百步百步是少半里以九澮總而言之則萬夫矣故言萬夫者三十三里少半里矣云九而方一同者案匠人云廣尺深尺謂之畎以至方百里為同同間廣二尋深二仞彼并田法溝澮稀少而云同此雖溝澮法溝澮稠多與彼并田相準擬而言也云以南晦圖之遂從溝橫澮從澮橫九澮而川周其外焉者案詩有今適南畝又云南東其畝故以南畝圖之其田南北細分者是一行隔為一夫十夫則於首為橫溝十溝即百夫於東畔為南北之澮十澮則於南畔為橫澮九澮則於四畔為大川此川亦人造雖無丈尺之數蓋亦倍澮耳此川與匠人澮水所

注川者異彼百里之間一川謂大川也云去山林之等其餘如此者鄭注載師亦以此等三分去一皆大判而言之耳是以田之法一成凡百夫亦三分去一以其餘通計出稅故每云三百家也云以至于畿則中雖有都鄙遂人盡主其地者遂人主六遂與司徒主六鄉同唯在二百里以內今經云以達於畿明畿以內之中雖有都鄙作井田之法遂人亦盡主其地明不可細主井田但主溝洫之法耳尚有公邑不言者公邑之中為溝洫之法與鄉遂同遂人盡主之可知也

以歲時登其夫家之衆寡及其六畜

車輦辨其老幼廢疾與其施舍者以頒職作事以令貢

賦以令師田以起政役注登成也猶定也夫家猶言男

女也施讀為弛職謂民九職也分其農牧衛虞之職使



民為其事也載師職云以物地事授地職互言矣貢九

貢也賦九賦也政役出土徒役音義

施式氏反下施舍皆同政音征注同

疏釋曰云以歲時登其夫家已下亦如族師所云以其

文承老幼廢疾之上下又別云以起政役明此不得為

施政役破施為弛謂弛捨其政役也云職謂民九職也

者以其頒職而作事是民之九職使之作事而遣出九

貢也云分其農牧衛虞之職者農即三農牧即藪牧衛

虞即虞衡作山澤之材不言商賈嬪婦臣妾之等者略

之也云載師職云以物地事授地職互言矣者彼云物

地事不云貢此云令貢賦不云物地事地事貢賦當相

互皆有也云貢九貢也者即九職之九貢非諸侯之九

貢也賦者亦即大宰九賦一曰邦中之賦二曰四郊之

賦之等是也云政役出土徒役者即上注遂之軍法如

六鄉者是也 若起野役則令各帥其所治之民而至以遂之

大旗致之其不用命者誅之注役謂師田若有功作也

遂之大旗熊虎疏

釋曰此文起野役若小司徒凡起徒役毋過家一人之類也云則令各帥

其所治之民而至者謂令縣正已下縣正云若將用野民師田行役移執事則帥而至治其政令是縣正受遂人之令也云以遂之大旗致之者以其遂人雖是大夫合用鳥隼之旗致衆今遂人掌衆與大司徒同故致衆得用熊虎為旗也注釋曰知役謂師田若功作也者以其縣正所云用野民師田行役移執事為此事致之明此役與彼同其云功作則移執事之等是也云大旗熊虎者司常職文

凡國祭祀共野牲

令野職注共野牲入於牧人以待事也野職薪炭之屬

疏注釋曰云共野牲入於牧人以待事也者謂牛羊豕

在六遂者故曰野牲牧人云掌牧六牲以待祭祀故

知此野牲亦入牧人以待事也云野職薪炭之屬者此

官令之委人斂之故下委人云掌斂野之賦又云斂薪

芻凡疏材木材凡畜聚之物言之屬者兼此諸物也

凡賓客令修野道而委積注

委積於廬宿市疏釋曰案大司徒云令野脩道委積彼

之故注云委積於廬宿市是亦令遺人也大喪帥六遂之役而致之掌其政

令及葬帥而屬六綽及窆陳役注致役致於司徒給墓

上事及窆也綽舉棺索也葬舉棺者謂載與說時也用

綽旁六執之者天子其千人與陳役者主陳列之耳匠

師帥監之鄉師以斧涖焉大喪之正棺殯啟朝及引六

鄉役之載及窆六遂役之亦即還相終始也鄭司農云

窆謂下棺時遂人主陳役也禮記謂之封春秋謂之塋

皆葬下棺也聲相似音義

屬音燭縉音弗窆劉昌絹反穿也本作窆戚彼驗反與注

相應與說始銳反

人與音餘朝直遙

疏注釋曰鄭知致

反之封彼驗反

或如字塋補鄧反

後致於司徒給

墓上事及窆也者以其殯及引皆六鄉役之其墓上事

及窆等六遂役之故知致役給墓上墓上則說載下棺

之等窆謂穿塋之等不言在廟載事亦六遂役之不言

者略也必致於司徒者司徒雖主六鄉以其地官之卿

掌徒庶之役亦兼掌六遂之役故也云縉舉棺索者以

其據在棺則曰縉據在道則曰引六遂之役不在道故

據在棺而言縛也云葬舉棺者謂載與說時也者以其  
經云屬六縛不據在道故知在廟載時及在壙說時也  
云用縛旁六執之者天子其千人與者案雜記諸侯執  
縛五百人大夫三百人以此約之天子千人無正文故  
云與以疑之云陳役者主陳列之耳者以其經云及窆  
窆謂下棺下棺之時千人執縛背碑負引須陳列其人  
故知謂陳列之也云匠師帥監之鄉師以斧淮焉者案  
其鄉師職知之云大喪之正棺殯啟朝及引六鄉役之  
載及窆六遂役之知義然者案大司徒職云大喪帥六  
鄉之衆庶屬其六引此遂人云帥六遂之役屬六縛及  
窆陳役鄭據此二文言之以六鄉近使主殯及啟朝為  
始在祖廟之中將行載棺於蜃車屬六縛則六遂為終  
也至於在道言引則還使六鄉為始至壙窆之下棺則  
還使六遂為終以二處各自共為終始故云即還相終  
始也是以大司徒注云六鄉主六引六遂主六縛也云  
禮記謂之封者據檀弓云庶人縣棺而封及喪大記下

棺亦云封是也春秋謂之塋者左氏葬鄭簡公有司墓之室當道毀之則朝而塋是也寔塋封三者字雖不同皆是下棺也云聲相似者寔封塋皆以去聲言之故云聲相似也

凡事致野役而師田

作野民帥而至掌其政治禁令音義

治直吏反下治訟皆同

疏釋曰

此居職末總結之言也

遂師各掌其遂之政令戒禁以時登其夫家之衆寡六畜車輦辨其施舍與其可任者經牧其田野辨其可食者周知其數而任之以徵財征作役事則聽其治訟注施讀亦弛也經牧制田界與井也可食謂今年所當耕

者也財征賦稅之事疏釋曰以遂師下大夫四人所掌

六遂亦如鄉師主六鄉亦二人

共主三遂故云各掌其遂之政令戒禁并以時登其夫

家衆寡六畜已下皆如鄉師之職但鄉師云葦又云老

幼貴賤廢疾此不言之此云經牧其田野之等彼不言

之皆是互換為義故設文不同也云周知其數而任之

以徵財征者謂周徧知其夫家六畜及田野之等任之

據人民之數徵財征據田野之數也云作後事則聽其

治訟者後事中可兼軍役田獵功作之等皆聽其治訟

注釋曰云施讀亦弛也者此注與鄉師同以其與其可

任者對而言明施不得為施功之事故讀為弛與舍同

為捨放之事云經牧制田界與井也者但六遂制溝洫

法上文所云者是令以為制界與井也又為井地法者

以其遂人兼掌米地故上云掌野鄙兼言稍縣都以米

地有井田法故此經云經牧其田野與小司徒文同故

鄭亦兼言井也云可食謂今年所當耕者也者六遂以

外上地亦有萊中下之地自然皆有萊不耕者故云今年所當耕者也云財征賦稅之事者征是賦稅財是地稅故云財征賦稅之事也雖以地巡其稼穡而移用其稅為正其中亦兼有口率出泉也

民以救其時事注移用其民使轉相助救時急事也四

時耕耨斂艾芟地之宜晚早不同而有天期地澤風雨

之急音義耨奴豆反艾音刈疏釋曰遂師各自巡其春種曰稼秋斂曰穡注釋曰云地之宜晚

早不同者其地有宜早種早收有宜晚種晚收故云晚早不同云而有天期地澤風雨之急者山出雲雨大風有隧皆由天期而有故以天期而言此凡國祭祀審其並須移用其民救其時事故并言之也

誓戒共其野牲注審亦聽也疏釋曰案冢宰職云大祭祀掌百官之誓戒大司



寇涖誓百官并戒百族此官主入野職野賦于玉府注  
審其誓戒戒遂之民故不同也

民所入貨賄以當九職九賦中玉府之用者疏

釋曰云野職謂

民九職之貢野賦謂民九賦自邦甸家稍縣都之等口  
率出泉以其在遠郊之外故皆以野言之也注釋曰云

中玉府之用者亦是遂師自當徵其穀稅泉以入大府  
分之衆府也若然衆大府職云式貢之餘財以共玩好  
之用入於玉府彼入玉府者是民貢之餘財財之美者  
由大府乃入玉府此經入玉府者非財之美不堪王之  
玩好者也

賓客則巡其道脩庀其委積注巡其道脩行治道

路也故書庀為比鄭司農云比讀為庀庀具也音義

庀又

作比匹爾反劉副美反  
一音芳米反行下孟反

疏

釋曰巡其道脩者大司徒云野脩道委積據國外曰野在

六鄉之中者此大喪使帥其屬以幄帟先道野役及窆

據六遂之中者抱磨共丘籠及蜃車之役注使以幄帟先者大宰也其

餘司徒也幄帟先所以為葬窆之間先張神坐也道野

役帥以至墓也丘籠之役窆復土也其器曰籠蜃車樞

路也樞路載柳四輪迫地而行有似於蜃因取名焉行

至壙乃說更復載以龍輜蜃禮記或作搏或作輪役謂

執紼者鄭司農云抱磨磨下車也玄謂磨者適歷執紼

者名也遂人主陳之而遂師以名行校之音義

磨劉音歷龍力

董反蜃市軫反以為于偽反坐才卧反復音服或音福  
乃說如銳反或吐活反更復扶又反輶勃倫反樽市專

反李徒官反軫市專疏釋曰大喪謂王喪也云使帥其  
反適音的又音釋屬以幄市先者謂大宰官使其

屬以幄市先行至壙云道野役者謂司徒導引野中之  
役出國城至壙云及窆抱磨者及至也謂柩車至壙窆

下棺也下棺之時遂帥其執縛者之人名適歷而校  
數之也云共丘籠者土曰丘謂共為丘之籠器以盛土

也云及蜃車之役者謂祖廟中將行共蜃車以載柩之  
役人也注釋曰知使以幄市先是大宰者以其天官幕

人掌共帷幕幄市綬屬大宰故知使幕人以幄市先是  
大宰也云其餘司徒也者以其司徒主衆庶故知野役

之徒皆司徒令之也云幄市先所以為葬窆之間先張  
神坐也者謂柩至壙脫載除飾柩則在地未葬窆之間

須有凶靈神坐之所故知大幕之下宜有幄之小帳小  
帳之內而有市之承塵以為神坐也云道野役帥以至

墓也者以其云導導是帥引之言故知從廟帥引往至  
墓所也云丘龍之役窳復土也者窳謂穿也復土謂下  
棺之後以壙上土反復而為丘壟皆須籠器以盛土也  
云蜃車柅路也者人君所居皆曰路故云柅路也云柅  
路載柳四輪迫地而行者謂在祖廟中遂匠納車於階  
間卻而上載之乃加帷荒帷荒即柳也四輪迫地而行  
即輕車以二軸而貫四輪四輪即許氏說文云無輻曰  
輕者也云似於蜃因取名焉者此解名為蜃車之意云  
行至壙乃說更復載以龍輜者以其天子諸侯殯時用  
輜車即檀弓所云載塗龍輜天子之禮是也諸侯不龍  
其輜而已殯既用輜明葬時用輜可知云蜃禮記或作  
樽或作輕者案雜記云載以輜車鄭注云輜讀為輕或  
作輕彼經作輜一部禮記作輕或作樽彼經不為輕者  
但輜輕字雖異其義同故此云或作輕也但為樽者非  
車之體不從之取其輜字或有作團字團又轉誤為國  
字者故既夕記云遂匠納車於階間注云車載柅車周

禮謂之蜃車雜記謂之團車喪大記又謂之國車也先  
鄭云抱磨磨下車也者於義無所當故後鄭不從也後  
鄭云適歷執紼者名也者謂天子千人分布於六綽之  
上謂之適歷者分布稀疏得所名為適歷也云遂人主  
陳之者案上遂人云及定陳後是也云而遂師以名行  
校之者但執紼之人背碑負引而退行遂師抱持版之  
名字巡行而校錄之以  
知在否故云抱磨也

軍旅田獵平野民掌其禁令比

叙其事而賞罰注平謂正其行列部伍也鄭司農云比

讀為庀音義

比匹爾反出疏釋曰軍旅謂征伐田獵謂注行戶剛反

師平正云遂之民故云平野民也云比叙其事而賞罰者遂師校比次叙其行伍而行賞罰也注釋曰周禮之內云比者後鄭皆為校比先鄭皆為庀庀為具得通一義故引之在下也

遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以稽功事掌其政令戒禁聽其治訟注施讀亦為弛功事九職之事民所以為功業疏釋曰此一經與遂師職意同但互見其義耳注釋曰云功事九職之事民所以為功業者大宰以九職任萬民彼云任即此功事謂任之使有功者也令為邑者

歲終則會政致事注不言其遂之吏而言為邑者容公

邑及卿大夫王子弟之米邑政令戒禁遂大夫亦施焉

疏

注釋曰言之者若直言遂之吏則不容公邑與米邑今遂大夫不言遂之吏變云為邑則遂中可以兼公

邑米邑二者故云政令戒禁遂大夫亦施焉以其  
遂人云掌野又云以達于畿故知亦施政令戒禁

正歲

簡稼器脩稼政注簡猶閱也稼器耒耜鎡基之屬稼政

孟春之月令所云皆脩封疆審端徑術善相丘陵阪險

原隰土地所宜五穀所殖以教道民必躬親之音義

音術

遂相息亮

疏注釋曰云稼器耒耜鎡基之屬者其器中

反道音導

疏含有錢鑄之等故云之屬也云稼政孟春

之月令所云皆脩封疆者此是月令鄭彼注封疆謂田  
首之分界也云審端徑術者鄭彼注術當為遂引遂人

職云夫間有遂遂工有徑當審之使脩理也云善相丘  
陵阪險原隰者土之高者曰丘大阜曰陵坡者曰阪險

下溼者曰隰高平曰原也云土地所宜者即丘陵已下  
若高田種黍稷下田種稻麥丘陵阪險種桑棗是也云

以教道民必躬親之者彼約束典田大夫必身親檢校之以證稼政之事三歲大比則帥其

吏而興眊明其有功者屬其地治者注興眊舉民賢者

能者如六鄉之為也興猶舉也屬猶聚也又因舉吏治

有功者而聚勅其餘以職事音義注同屬音燭聚也注

同治直疏釋曰云三歲大比已下若鄉大夫三歲大比

更反疏興賢者能者其義同變之耳云帥其吏者則

遂大夫已下縣正至鄰長注釋曰云興眊舉民賢者能

者如六鄉之為也者此文不具故鄭就鄉大夫解之彼

以鄉飲酒興賢能者厥明獻賢能之書於王王拜而受之登於天府內史貳之此職亦然也云興猶舉也屬猶聚也者謂當興舉之時因舉治民之吏鄰長以上吏之有功者而升之又聚其地治鄰長以上勅之以職事使



之不慢也 凡為邑者以四達戒其功事而誅賞廢興之注四

達者治民之事大通者有四夫家衆寡也六畜車輦也

稼穡耕耨也旗鼓兵革也疏

釋曰此言為邑者義如上遂之吏而言為邑者

容公邑及采邑也云以四達戒其功事者達通也謂將四通之事以戒勅其功事功事即上注九職之功業也云而誅賞廢興之者此亦如天官注大有功不徒興又賞之大無功不徒廢又誅之故誅賞廢興連言之也注釋曰鄭知四達是夫家已下者此無正文唯約上下文而知義爾案遂師云夫家衆寡六畜車輦此遂大夫亦云夫家衆寡以教稼穡鄴長云以旗鼓兵革帥而至又云趨其耕耨鄭據而言故以四事當此四達

縣正各掌其縣之政令徵比以頒田里以分職事掌其

治訟趨其稼事而賞罰之注徵徵名也比案比音義

如趨

字李倉苟反本

疏

釋曰以一遂有五縣故云各掌其縣

又作趣音促

之政令徵比者謂政教號令徵發校

比之等也云以領田里者亦如上文夫一廬

若將用野

田百畝也云以分職事者即九職之功事也

民師田行役移執事則帥而至治其政令注移執事移

用其民鄭司農云謂轉相佐助疏

釋曰云若將用野民者言將事未至之時

預徵名野民也言師田謂出師征伐及田獵也言行役

謂若巡狩及功後言移執事謂移徙用民以執事也

既役則稽功會事而誅賞注

釋曰此經結上文功役之事事訖乃稽考其功多少

當計會其事之可否而有功者賞無功者誅也

鄙師各掌其鄙之政令祭祀注祭祀祭崇也音義

詠祭音

疏

釋曰五鄙為縣五百家為鄙故云各掌其鄙之政令也注釋曰知鄙祭崇者鄙與六鄉黨同黨祭崇故知

此鄙所祭祀謂祭崇也

凡作民則掌其戒令注作民謂起役也疏

注釋曰知作民是起役者案下鄣長云若作其民而用之則以旗鼓兵革帥而至又上文每云野役故知此作民亦是起以時數其衆庶而察其媿惡而誅賞注時四

時也音義

數色主反下同媿音美

疏

注釋曰知時四時者見鄉師職云凡四時之徵令則凡言

歲時者皆是四時唯鄉師云調萬民之難阨而云歲時巡國及野者鄭注云隨其事之時不必四時難阨非常故歲終則會其鄙之政而致事

鄮長各掌其鄮之政令以時校登其夫家比其衆寡以

治其喪紀祭祀之事注校猶數也疏

釋曰以其一鄙五鄮故云各掌其鄮

之政令也云以治其喪紀者謂民之喪紀若鄉師所云族共喪器之類治其祭祀者謂若族祭酺之類若然縣當祭社與州同縣正鄙師鄮長皆不言所祭神者六遂與六鄉互見其義也

若作其民而用

之則以旗鼓兵革帥而至若歲時簡器與有司數之注

簡器簡稼器也兵器亦存焉有司遂大夫疏

釋曰言作其民而用

之者謂師田及巡守之等直言以旗鼓兵革不言車輦文不具注釋曰云簡器簡稼器也者見遂大夫職云正歲簡稼器脩稼政則此官與遂大夫共簡之故注云有司遂大夫也知兵器亦存焉者以遂大夫云簡稼器此

不言稼直云器故知器中兼有兵器旗鼓兵革亦有在其中也

凡歲時之戒令皆聽之

趨其耕耨稽其女功注聽之受而行之也女功絲枲之

事疏

釋曰此鄮長彌親民故趨其耕耨并稽考女功之事注釋曰鄭知聽之為受而行之非聽斷之者以

鄮長中士官惟承受遂人已下之事不得專聽斷故知聽謂受而行之也知女功絲枲者案禮記內則論女功云執麻枲治絲繭故知此女功亦治絲枲以為布帛

里宰掌比其邑之衆寡與其六畜兵器治其政令注邑

猶里也疏

釋曰里宰二十五家不言各者文承遂師以下皆言各掌此亦各掌可知注釋曰邑是人

之所居之處里又訓為居故云邑猶里也

以歲時合耦于耜以治稼穡趨其

耕耨行其秩叙以待有司之政令而徵歛其財賦注考

工記曰耜廣五寸二耜為耦此言兩人相助耦而耕也

鄭司農云耨讀為藉杜子春云耨讀為助謂相佐助也

玄謂耨者里宰治處也若今街彈之室於此合耦使相

佐助因故而為名季冬之月令命農師計耦耕事脩耒

耜具田器是其歲時與合人耦則牛耦亦可知也秩叙

受耦相佐助之次第音義

治處直吏反街音佳彈如

疏

釋曰云歲時者亦謂歲之四時云合耦于耨者耨助也謂合兩兩相佐助於里宰處云以治稼穡者謂治理其

民使為春稼秋穡之事云趨其耕耨者謂使民趨時以  
春耕夏耨云行其秩叙者謂使民行其合耦使有次第  
云以待有司之政令而徵斂其財賦者以六遂之賦稅  
縣師徵之旅師斂之則此財賦言待有司徵斂者謂縣  
師旅師也注釋曰鄭引考工記者欲證合耦為二人共  
發一尺之地乃成畝以通水之意也先鄭云耦讀為藉  
者藉借也非相佐助之義故後鄭不從之也杜子春讀  
耦為助謂相佐助也於義合但文猶不足故後鄭增其  
義也玄謂耦者里宰治處也若今街彈之室者鄭以漢  
法况之漢時在街置室檢彈一里之民於此合耦使相  
佐助因放而名耦也引月令者證歲時合耦之事秦周  
政令或異故云是其歲時與言與以疑之也云合人耦  
則牛耦亦可知也者周時未有牛耦耕至漢時揆粟都  
尉趙過始教民牛耕今鄭云合牛耦可知者或周末兼  
有牛耦至漢趙過乃絕人耦專用牛耦故鄭兼云焉云  
秩叙受耦相佐助之次第者或家有一夫二夫共耦若

長沮桀溺耦而耕或先  
後次第相佐助為之也

鄰長掌相糾相受注相糾相舉察疏

釋曰鄰長不命之士為之各領五家

便五家有過各相糾察  
宅舍有故又相容受也

凡邑中之政相贊注長短使相

補助疏

釋曰云邑中者亦謂一里之內有上政令徵求則五鄰共相贊助此則以長補短故鄭云長短

使相補助也

徙于他邑則從而授之注從猶隨也授猶付也

疏釋曰古者三年大比民或於是徙謂不使其居則徙於他遷向他遂非直徙授之明無罪過亦當以旌節

將行如六鄉比長云徙于他則以旌節而行之出鄉無節則唯園土內之是也

周禮注疏卷十五



周禮注疏卷十五考證

肆長斂其總布掌其戒禁○禁監本訛作令今依石經  
改正

泉府國人郊人從其有司然後予之疏國人郊人從其  
有司○監本脫下四字今據經文補之

凡國事之財用取具焉○國事監本訛作事國今依石  
經改正

遂人以土地之圖經田野造縣鄙形體之灋疏所經界

者即造縣鄙已下是也○縣監本訛作都今以經文正之

以疆予任眚○疆當從石經作彊如周頌侯彊是也

凡治野注澮廣二尋○澮監本訛作溝今改正

又疏公邑之中為溝洫之法與鄉遂同○監本脫遂同二字今增正

遂師作役事則聽其治訟○石經作字上有以字


又疏以其遂人兼掌采地故上云掌野鄙兼言稍縣

都○臣宗楷按若據遂人職注當云掌野兼言甸稍  
縣都

周禮注疏卷十五考證

謹案第二十二頁後五行疏仍有鎡基之等刊本  
鎡訛茲今改





覆校官編修 臣劉種之

校對官檢討 臣季學錦

膳錄監生 臣任益春